

廣博物志增刪

庫	文	閣	內
五	函	三	漢
一	六	三	書
架	冊	號	類


庫	文	閣	內
五	函	三	漢
一	六	三	書
架	冊	號	類

小説四三

六一

內閣文庫	
番號	漢 3236
冊數	6 (1)
函號	309 158

309-158



温陵蔣公先先生鑒企

隴西董遐周先生纂

應漳陳奉卿增刪

廣博物志增刪

唾一壘梓



淺草文庫

廣博物志增刪序



苑羸善孫飲手桑也神儻為多志張乃
茲也生絲噴瀑殫茲為其老方海之
噉焉六稔其枯江湖涼也如不信之四手
山之深以稜濤响方石翁唯云桑嶽慕乃

序一

才天且繁煥刃讓羅梅學之場至是
至是故芥子及溪蒲椰子及菊出教
書弦以洞蕭之下森蕭蕭之目嚙然与
惟其腹交距于脣圍牙于齧氣此任
未所以削荆燃蒿仲言防以手燻若

黑世方今又与強逐興傳僕隸石渠牙
良天探是博一動司鄴架旨傾唯手
大滿之日應亦不于盤一不百至即及由牧
之後迫日月以年念其尾之百至精为
之旨蘇志云事以若更身是以遠強為

孝月廢茲百年今日得與刃切影耀然
誰謂之文謂浮罔與孰而僅恃忠親衆
僅恃嚴新策也古莊侯刃爭少焉
柳老若如天地人物情狀畢象空矣又
扣孝蹟備勅則所記蕭岱弗多矣

淳古新者爾予乃豫裝瞳細古蒸狀
遊釋出誌刃玉海芒蒐入天才記周季
在曠既廣博物刃白連焉久之役且林熊
茲命之玉也多序釋也之寡焉天才少女明
祇以稽邀周氏前生區周氏麟嘉古五

百餘家為表先口死百里按其尤彙為二十
者二刀于天地之口粗已謫去並中名謬者
者僅勿魂者者史傳恒執習人昭醜者
乃者絕途年種予也乃不憚為朱意矣
分後大為多茲十日者亦得補取滿其余

又亦得身為仲山甫惟朱倫甚感焉
且爾不獲賜梓腹望勝壽批以日
浩採清冷身為炎夫以莫大文重而
豈在茲而豈在茲
崇禎癸未菊月後學陳一彭謹識

廣博物志原序
董避周先生廣博物志原序
原序

董避周先生廣博物志原序

廣博物志者吳興董斯張廣乎

晉張華者也其廣也奈何蓋斯張

生十有八年而病日三藥其未藥也日

公車者之也廢則既藥廢之也者
終之也於是乎百家然則其廣藥
奈何百家者王嘉之書儼然在手
中言詭而不夷乍而眦之矍々然掩

之皇々然讀既則恨然裴々然曰壯
武之不得盡昭乎其述也嗟哉博
物者猶有遺焉武帝沒之也平原
生而岳嶽宛安瀾生而倒流宛武帝

生而王戲農之佚者死夏殷周之不傳
 者死秦死漢死嗟乎是拘之者之罪
 也先張氏而書吾鬼焉迨其後焉
 者厥載孔多衍而無倫鉛之擊

晨乎宵首乎三墳尾乎隋其地也
 類以廣乎張氏始天道次時序次
 地形則我狄附焉次斧宸太子后妃附
 焉次神僊附鬼焉次職官次人倫次高

逸次方伎蓋司術附焉次園壺次形體
次執苑附圖畫焉次武功次聲樂雜戲
附焉次居處次珍寶幣帛附焉次服
飾次器用次食飲繼之以妙木鳥獸雜

中輿魚殿之局五十闕二十有六月而
則嘗有獻疑矣曰紹張氏者乎子何
波乎晉以下噫弗廣爾廣則焉乎弗
廣唐也五季也宋也非歟曰繇此以降

乃繁矣繁則為可極也勢也極可極
否待諸請問張氏之錄也錄詭焉爾
矣不逮乎史吾子曷史哉曰晉以下之
史也釋史乎史乎遷乎班漢乎職官

人倫而下張氏多溯焉曰人倫也庶物
也吾臆乎是夫御者子輿氏之言也
物之爾矣然則郊祀封禪籍田巡狩
刑賞之屬曰唐之佑陶之樵鄴陽之端

原序
三子者備焉矣曰執苑之入經與
史也何居有非經而釋有經而釋有
非史而釋有史而釋羣若昧焉何弗
錄古琴疏卿孀記古乎曰前之為竹

書為連山吾惑之恐汰也乎哉勿喙
焉可也代楊朱曰三王之事若存若
亡疇識之哉惡乎位嗚呼女未嘗以
浣火剗玉之說通之也則曰若之何子

之眦有窮而以廣命也一日烏羅羅且
多禽曰吾以須天下之嗜古者吾所
不知人其舍諸雖然夫非吾好也不
以為賢乎博奕者而已矣客起曰既

聞之矣河有所乎窮書之有類也孰
之昉曰七版哉

廣博物志增刪目錄
卷之一
天道
日月星風雲雨雪霜霧露
虹霓雷電
卷之二
時序
四時春夏秋冬曆附
卷之三

廣博物志增刪目錄

卷之一

天道

天 日 月 星 風 雲 雨 雪 霜 霧 露

虹 霓 雷 電

卷之二

時序

四時 春 夏 秋 冬 曆附

卷之三

地形

地 山水 都邑 城池 井田 石墓 戎狄附

卷之四

靈異

僊神鬼

卷之五

斧宸

君太子后妃

卷之六

職官

總職 宰相 郡縣

卷之七

人倫

總倫 君臣 子夫婦 師友

卷之八

方技

醫 卜筮 高逸附

卷之九

形體

卷之十

藝苑

總經 易 詩 尚書 春秋 禮記 孝經 爾雅 史

圖籍 釋道經典 好學 著作 四寶 書 圖畫附

卷之十一

武功

論兵 刀 劍 射 弓 矢 函 戈 旗 諸軍器

卷之十二

聲樂

總樂 歌 舞 總樂器 琴瑟 鐘鼓 磬笙

卷之十三

居處

明堂 宮 臺 堂 室 園

卷之十四

珍寶

金玉 珠 雜寶 錢 幣帛附

卷之十五

服飾

衣冠履屐

卷之十六

器用

鏡扇鼎枕席舟車蓬俎豆筍虞侯附

卷之十七

食飲

總食肉酒鹽藥附

卷之十八

草木

穀松栢桐梓桑桃李棗瓜竹諸草

異草木

卷之十九

鳥獸

鳥總論鳳鵠鶴鴈鳥燕雀雉雞雜鳥

獸總論麟象犀解鷹熊虎鹿兔馬

驢牛羊犬豕獺狐狸鼠異鳥異獸

卷之二十

蟲魚

龍 蛟 虵 魚 鼈 鼉 龜 鼈 蠶 雜 蟲

桑 林

目錄終

廣博物志增刪 卷之一

溫陵蔣八公先生鑒定

隴西董斯張纂

閩漳陳一彭增刪

男耀暉

耀暉

侄耀縉

社友鄭元鳳全訂鐫

天道 雲 日 霧 星 虹 霓 雲 雷 電

天 太初氣之始也。生於酉仲。清濁未分也。太始形之始也。生於戌仲。

廣博物志增刪

卷之一

一

清者為精。濁者為形也。音割太素質之始也。生於亥仲。已有素朴而未散也。三氣相接。至於子仲。判分離。輕清者上為天。重濁者下為地。中和為萬物。廣雅

臣覽太始天元冊文。丹天之氣。經於牛女。戊音金黃色分。齡天之氣。經於心尾。已分。蒼天之氣。經於危室柳鬼。素天之氣。經於亢氏。昴畢。玄天之氣。經於張翼婁胃。所謂戊已分者。奎壁角軫。則天地之門戶也。素問中央曰鈞天。其星角亢氏。東方曰蒼天。其星房心尾。東北曰變天。其星箕斗牽牛。北方曰玄天。其星須女虛危營室。西方曰幽天。其星東壁奎婁。西方曰昊天。其星胃昴畢。西南方曰朱方。其星觜雉參東

井。南方曰炎天。其星輿鬼柳七星。東南方曰陽天。其星張翼軫。淮南天者誠。其日德也。日誠出誠入。南北有極。故莫弗以為法則。天者信。其月刑也。月信死信生。終則有始。故莫弗以為政。天者明。星其稽也。列星不亂。各以序行。故小大莫弗以章。天者因。時其則也。四時當名。代而不干。故莫弗以為必然。天者一。法其同也。前後左右。古今自如。故莫弗以為常。天誠信明。因一不為衆。父易一。故莫能與爭先。鵬冠百世之後。地高天下。不風不雨。不寒不暑。民復食土。皆知其母。不知其父。如此千歲之後。而天可倚杵。洵莫知始終。河圖星官之書。自黃帝始。至高陽氏。乃使南正重司天文。耀鈞曰。唐堯即

立渾儀。後漢志

渾天之作。由來尚矣。攷之在天。信而有徵。舊說天地之體。狀如鷄卵。天包地外。猶殼之黃。渾天言其形體渾渾如也。周天三百六十五度。五百八十九分度之。百四十五。東西南北。展轉周規。半覆地上。半在地下。故二十八宿。半見半隱。以儀准之。其見常一百八十三度有奇。是以知其半覆地上。半在地下也。黃赤二道。見與交錯。一間相去二十七度。以兩儀准之。俱三百六十五度。有赤道見者。常百八十二度半強。又南北攷之。天見者亦一百八十二度半強。是天之體圓如彈丸。北極出地三十六度。是知南極入地亦三十六度。而兩相去百八

十半強也。王蕃渾天說

人為靈。虫形最似天。令人願前多臨胸。而項不能覆背。近取諸身故。知天之體。南低入地。北則偏高。又冬至極低。而天運近南。故日去人遠。而斗去人近。北天氣至。故冰寒也。夏至極起。而天運近北。而斗去人遠。日去人近。南天氣至。故蒸熱也。極之立時。日行地中淺。故夜短。天去地高。故晝長也。極之低時。日行地中深。故夜長。天去地下淺。故晝短也。論天
齊桓公曰。王者何貴。管仲曰。貴天。桓公仰視。管仲曰。所謂天者。非蒼蒼之天也。居人上者。以百姓為天。說苑

穆子去叔孫氏適齊娶於國氏。生孟丙仲壬。夢天壓已弗勝。願見人
 黑面而上。倮深目而黧喙。號之曰牛。助余乃勝之。左傳
 和熹鄧皇后嘗夢捫天。天體蕩々。正青滑如饴飴。有若鍾乳狀。乃仰
 嗽飲之。以訊占夢。言堯夢攀天而上。湯夢及天而紙之。此皆聖王之
 前占。吉不可言也。後漢書

日月日猶火。月猶水。火則施光。水則含影。月光生於日所照。魄生於
 日所蔽。當日則光盈。近日則明盡。周辭
 日者寸也。紀刻而成晷也。月者尺也。紀度而成數也。范子計然
 日陽之精。德之長也。縱廣二千三十里。金物水精暈於內。流光照於

外。其中有城郭人民。七寶浴池。池生青黃赤白蓮花。人長二丈四尺。
 衣朱衣之服。其花同衰同盛。日行有五風。故制御日月星宿遊行。皆
 風梵其綱。金門之上。日之通門也。金門之內。有金精冶鍊之地。在西
 關左之分。故立春之節。日更鍊魄於金門之內。耀其光於金門之外。
 四十五日乃止。順行至洞陽宮。吐金治之精。以灌於東井之中。沐浴
 於晨暉。收八素之氣。歸廣寒之宮也。月暉之圍。縱廣二千九百里。白
 銀琉璃水精映其內。城郭人民與日宮同。有七寶浴池。八騫之林。生
 於內。人長一丈六尺。衣青色之衣。常以一日至十六日。採白銀琉璃
 鍊於炎光之治。故月度盈則光明。比十七日。至二十九日。於騫林樹

下。採三風之華。拂日月之光也。秋分之日。月宿東井之地。上廣靈之堂。乃沐浴於東井之池。以鍊日。竟明八朗之芒。受陽精。日暉吐黃氣於玉池。諸天人悉採玉樹之華。以拂日月之光。月以黃氣灌天人之容。故秋分是天人會月之道也。黃氣陽精經日出於暘谷。浴於咸池。拂於扶桑。是謂晨明。登於扶桑。爰始將行。是謂朏明。至於曲阿。是謂旦明。至於曾泉。是謂蚤食。至於桑野。是謂晏食。至於衡陽。是謂隅中。至於昆吾。是謂正中。至於鳥次。是謂小還。至於悲谷。是謂晡時。至於女紀。是謂大還。至於淵虞。是謂高春。至於連石。是謂下春。至於悲泉。爰止其女。爰息其馬。是謂縣車。至於虞淵。是

謂黃昏。至於蒙谷。是謂定昏。日入於虞淵之汜。曙於蒙谷之浦。行九州七舍。有五億萬七千三百九里。淮南子冬至晷長丈三尺。春分晷長七尺三寸四分。夏至晷長尺有四寸八分。秋分晷長二寸四分。易卦通驗政太平則日五色。政公平則日黃中而赤暈。政和平則日黃中而黑暈。政象平則日黃中而白暈。政升平則日黃中而青暈。禮十威儀羣臣恣則日黃無光。羣臣爭則日裂。人主排斥則日夜出。春秋感精符帝堯修壇河洛。仲月辛日禮備。至於日。稷榮光出。漸龍馬。銜甲赤玄綠色。臨壇吐甲。有列星之分。斗政之度。尚書中候

桀為無道。湯令伊尹往視曠夏。聽于妹喜。妹喜言曰。今者天子夢西方有日。東方有日。兩日相與闔。西方日勝。東方日不勝。伊尹以告湯。乃令師從東方出於國西以進。未接。而桀是慎大周文王問鬻子曰。敢問君子將入其職。則於其民何如。對曰。君子將入其職。則於其民也。旭々然如日之始出也。既入其職。則於其民也。暗々然如日之已入。曠々然如日之正中也。既去其職。則於其民也。暗々然如日之已入也。故君子將入而旭々者。義先聞也。既入而曠々者。民保其福也。既去而暗々者。民失其教也。文王曰。受命矣。賈誼景公病水。卧十數日。夜夢與二日闔。不勝。晏子朝。公曰。夕者夢與二

日闔而寡人不勝我。其死乎。晏子對曰。請召占夢者。出於闔。使人以車迎。占夢者至。曰。曷為見召。晏子曰。夜者公夢二日與公闔。不勝。公曰。寡人死乎。故請君占夢。是所為也。占夢者曰。請反其書。晏子曰。毋反書。公所病者陰也。日者陽也。一陰不勝二陽。故病將已。以是對。占夢者入。公曰。寡人夢與二日闔。而不勝。寡人死乎。占夢者對曰。公之所病陰也。日者陽也。一陰不勝二陽。公病將已。居三日。公病大愈。公且賜。占夢者。占夢者曰。此非臣之力。晏子教臣也。公召晏子。且賜之。晏子曰。占夢以占之言對。故有益也。使臣言之。則不信矣。此占夢之力也。臣無功焉。公兩賜之。曰。以晏子不奪人之功。以占夢者不蔽人

之能。晏子

燕太子丹噴於秦王。王遇之無禮。急欲求歸。秦王不聽。謬與誓曰。使日再中。天雨粟。乃得歸。太子仰天嘆之。日為再中。天雨粟。秦王不得已。遣之。說苑

張重字仲篤。明帝時舉孝廉。帝曰。何郡小吏。答曰。臣日南吏。帝曰。日南郡人。應向北看日。答曰。臣聞雁門不見壘。雁為門。金城郡不見積金為郡。臣雖居日南。未曾向北看日。後漢書

天子救日。置五麾。陳五兵。五鼓。諸侯置三麾。陳三兵。三鼓。大夫擊門。音託。杯也。擊榜。凡有聲皆陽事也。以厭陰氣。穀梁傳

月天夜明。聖人以辯昏象。陰形月。聖人以命相代政。天月淫。聖人以機密大臣代政。山月升騰。聖人以命相統治。川月東浮。聖人以恩及命婦。雲月藏宮。聖人以慎內政。氣月冥陰。聖人以慎羣小。月氣夜圓。聖人以定方象。三墳

政太平則月多耀。政頌平則赤明。政和平則黑明。政象平則白明。政升平則青明。禮斗威儀

若月三珥者。大臣有喜。若有冠而復暈者。天下有喜。軍國占侯諸侯謀叛。則月生。瓜牙后族專政。則日月竝照。春秋考異郵月者太陰之精。積而成象。魄質含影。稟日之光。以明照夜。位修陰道。

以之配日。女主之象也。以之比德。刑罰之義也。列之朝廷。諸侯大臣之類也。是以近日則光歛。猶臣近君卑而屈也。遠日則光滿。為其守道循法。蒙君榮華而體勢伸也。當日則蝕。猶臣僭君道而禍至於覆滅也。盈極必缺。示其不可久盈也。月闕也。陰道。臣道。妻道。不可使盈。理當恒缺也。其行速。臣下之道也。行有弦望晦朔遲疾。陰陽政刑之等威也。占已

天有三門。猶房四表。房中央曰天街。天道也。天門也。黃道所經也。南間曰陽環。陽環南三尺曰陽裡。陽裡南三尺曰太陽中道。北間曰陰間。陰間北三尺曰陰裡。陰裡北三尺曰太陰中道。故曰月順軌道。由

乎天街。則天下和平。由乎陽道。則主喪。由乎陰道。則主水。京房曰。行南道為旱。月行北道為水。行中道。天門之間。則天下大安。五穀豐登。人主益壽之兆。天文總論

人君日月同明。四時合信。故父天母地。兄日姊月。父天於圜丘之祀也。母地於方澤之祭也。兄日於東郊。姊月於西郊。春秋感精符

楚晉將戰。晉侯夢呂騎射中月。退入於泥。曰姬姓日也。異姓月必楚王也。及戰。射殺王中目。呂騎死之。左傳

尹思者。字少龍。安定人也。晉元康五年正月十五夜。坐屋中。遣兒視月中。有異物。否兒曰。今年當大水。月中有一人披篋帶劍。思自視之。

月情

曰將有亂。卒至。兒曰。何以知之。曰。月中人乃帶劍仗矛。當大亂。三十年後。小清耳。後果如其言。真詰

星衆星布列。體生於地。精成於天。列居錯峙。各有攸屬。在野象物。在朝象官。在人象神。其以神差有五列焉。是為三十五名。一居中央。謂之北斗。四布於方。各七。為二十八舍。日月運行。歷示吉凶。五緯纏次。用告禍福。中外之官。常明者百有二十四。可名者二百二十。為星二千五百。微星之數。蓋萬一千五百二十。庶物蠢々。咸得繫命。不然。何得總而理諸。靈憲
常星猶公卿也。衆星猶萬民也。列星正則衆星齊。常星亂則衆星

矣。論鹽鐵

太微者。太乙之庭也。紫宮者。太乙之居也。軒轅者。四妃之舍也。咸池者。水魚之囿也。天阿者。羣神之闕也。淮南子
歲星。其國齊。其位東方。蒼帝之子。人主之象也。其色明而內寔。暗天下安寧。夫歲星所居國。人主有福。不可加以兵。歲星一曰攝提。一曰重華。一曰應星。一曰經星。一曰脩人。歲星動。人主怒。無光。仁道失。歲星順行。仁德加也。歲星農官也。主五穀。春不勸農。則歲星盈縮。所在之國。不可以罰。小則民多病。大則喜。夫官星占
太白。位在西方。白帝之子。天將之象也。一名天相。一名大正。一名大

黃傳物志增刪

卷一星

九

臣一名大皓一名明星天官星占

榮感主憂位在南方赤帝之子方伯之象也為天侯主歲成敗司察

妖孽所往有兵為亂為賊為疾為喪為饑為兵天官星占

鎮星主德女王之象也所居國有德不可以兵加也天官星占

辰星北方之位黑帝之子宰相之祥也一名安調一名熊星一名鈞

星一名伺晨主德常行四仲當出不出天下旱色黃五穀熟色白中

謀泄色青大臣憂天官星占

凡五星盈縮失位其精降於地為人歲星降為貴臣熒惑降為童兒

歌謡嬉戲填星降為老人婦女太白降為壯夫處於林麓辰星降為

婦人吉凶之應隨其象告晉書

北極五星一名天極一名北極其第一星為太子第二星最明者為

帝第三為庶子餘二後宮屬也並在紫微宮中央故謂之中極其占

明大則吉若變動則有憂天官星圖列

北斗七星在太微北七政之樞機陰陽之元本也故運乎天中而臨

制四方以建四時而均五行也魁四星為璇璣杓三星為玉衡又曰

斗為人君之象號令之主也又為帝車取乎運動之義也又魁第一

星曰天樞二曰璇三曰璣四曰權五曰玉衡六曰開陽七曰搖光一

至四為魁五至七為杓樞為天璠為地璣為人權為時玉衡為音開

黃傳勿志魯刊

卷一星

陽為律。樞光為星。石氏云。第一曰正星。主陽德。天子之象也。二曰法星。主陰刑。女主之位也。三曰令星。主中禍。四曰伐星。主天理。伐無道。五曰殺星。主中央。助四旁殺有罪。六曰危星。主天倉。五穀。七曰部星。亦曰應星。主兵。又一主天。二主地。三主火。四主水。五主土。六主木。七主金。又曰。一主秦。二主楚。三生梁。四主吳。五主燕。六主趙。七主齊。晉東斗主箕。西斗記名。北斗落死。南斗上生。中斗大魁。總監衆靈。經五星合狼。張。晝視無日光。虹霓煌。太山失金雞。西岳亡玉羊。太山失金雞者。箕星亡也。箕者風也。風動雞鳴。今箕候亡。故雞亦亡也。西岳亡玉羊者。星在未為羊。雞失羊亡。臣縱恣。萬人愁。不祥。類是

易是類

火星與昴星出入。昴星低時。火星出。昴星見時。火星伏。非火之性。最伏昴也。時偶不並。度轉乖也。正月建寅。斗魁破布。非寅建使中破也。轉運之衡。偶自應也。論衡五車者。五帝車舍也。三柱。一曰三泉。天子得靈臺之禮。則五車三柱。均明有常。晉書四輔四星。在紫微宮中。抱之。細星。此為輔臣之位。贊於萬機。其占以小而明則吉。若微闇。則官不理也。晉書鈞陳六星。在紫微宮中。華蓋之下。天帝所居之宮。亦護軍將軍之象。占以明則吉。晉書

華蓋七星。其柱九星。合十六星。如蓋狀。在紫微宮中。臨鉤陳以蔭帝座。占者正則吉。若傾則凶也。晉書

女史一星。在紫微宮內。柱史北。此婦人之官。掌記宮中之事。占以明則為記。史直詞。若不明則反是。晉書

柱下史一星。在紫微宮內。近尚書。此左右掌記君之過。其占以明則為史直詞。若不明則詞不依過。無真實也。晉書

尚書五星。在紫微宮內。東南之隅。此八座大臣之象。故讚曰。尚書納言。夙夜詔謀。占以小而明。則君臣和。晉書

宦者四星。次帝座西南。主侍者。帝旁闈人也。占以不明則吉。若明則

內臣專權 晉書

勢四星。在太陽西北。主刑餘人而用事者也。占以不明為吉。若明則

闈宦用權 晉書

輔一星。附北斗杓第六星。大臣之象也。占欲其小而明則吉。若大而明則臣奪君政。若小而不明則臣不任職。若明大與斗合者。則國兵暴起也。晉書

五諸侯五星。主刺舉戒不虞。一曰帝師。二曰帝友。三曰三公。四曰博士。五曰太史。此五者常為帝定疑議。晉書

東壁二星。主文章。天下圖書之祕府也。星明。王者興。道術行。國多君

子。星失色。大小不同。王者好武。經士不用。圖書隱。星動。則有上功。晉書

進賢一星。在平旦西垣。星明。賢士用。進暗。小人用。星經

帝席三星。在大角北。星暗。天下安。星不欲明。明則王公凶。星經

女床三星。在天紀北。主後宮。明則宮人自恣。星經

扶匡士星。在天柱東。主桑蠶之事。星經

離珠五星。在女北。主藏府。以御後宮。移則亂。星經

瑤瑜三星。在秦代東南。列北。主王侯衣服。星經

農丈人一星。在南斗南。主農正官也。占明則為豐稔。若暗則為歉。音書

昆弟有親親之恩。則鉤鈴不離房。孝經內事

景星者。天曜也。音精狀如半月。生於晦朔。助月為明。王者不私人。則見。孫氏

瑞應書

若星與日並出。名曰嫁女星。與日爭光。武且弱。文且強。女子為王。在

邑為喪。在野為兵。晉書

國有捨星。其君必辱。國有彗星。必有流血。浮丘之戰。彗之所出。必服

天下之讐。管子

國有兵凶。則星墜為鳥獸。天下將亡。則星墜為飛虫。天下大兵。則星

墜為金鐵。天下有水。則星墜為土。國主亡。有兵。則星墜為草木。兵起

國主亡。則星墜為沙。星墜為人而言者。善惡如其言。又曰。國有大喪。

則星墜為龍隋書

堯遭大水填星逆行入水府賦注

仲尼曰吾聞堯率舜等遊首山觀河渚有五老遊焉一老曰河圖將

來告帝期二老曰河圖將來告帝謀三老曰河圖將來告帝書四老

曰河圖將來告帝圖五老曰河圖將來告帝符龍御王苞金泥玉檢

封盛書咸曰知我者重瞳姚黃五老因飛為流星上入昴論語

舜將受禪于堯先有星見員而無鋒芒言舜當用土德王天下星見

而無芒角者示揖讓而受不以兵事爭競也本傳

堯翼之星精在南方色赤舜斗之星精在中央色黃禹參之星精在

西方色白湯虛之星精在北方色黑文王房之星精在東方色青春秋

感精符注

虞舜在位十年有五老遊於國都舜以師道尊之言則及造化之始

舜禪於禹五老去不知所從舜乃置五星之祠以祭之其夜有五長

星出薰風四起連珠合璧祥應備焉拾遺記

禹鑄九鼎擇雌金為陰鼎雄金為陽鼎太白星見九日不沒拾遺記

桀末年兩日並闕五星交錯枉矢流火神見閔龍逢行黃圖諫不聽

焚圖誅逢路史

湯之元祀歲星順行與日合於房房心宋毫分也周武王至豐之明

年。歲星順行。與日合於柳。留於張。柳張河洛分也。程史

周文王受命。歲星在鶉火。武王伐紂十三年。歲星在鶉火。魏志蘇林傳

武王伐紂。東面而迎歲。至汜而水。至共頭而墜。彗星出。而授殷人其

柄。當戰之時。十日亂于上。風雨擊于中。然而前無蹈難之賞。而後無

遁北之刑。白刃不舉。拔而天下得矣。淮南兵畧訓

武王伐紂。魚辛諫曰。歲星在北方。不北征。武王不從。尸子

太公釣於磻溪。夜夢北斗神告以伐紂之意。尚書中候

管仲與鮑叔牙商賈於南陽。見三星聚虛危之分。知齊將有霸主。遂

共戮力來投齊地。

觀象賦注

齊有彗星。景公坐栢寢而泣。晏子問之。公曰。寡人聞之。彗星出。其所

向之國。君當之。今彗星出而向吾國。我是以悲。晏子曰。君之行義固

應。無德於國。穿陂池。則欲其深以廣也。為臺榭。則欲其高且大也。賦

歛如搗。奪誅戮如仇讎。自嬰觀之。孛又將出。彗星之出。庸何懼乎。公

欲使常伯騫禳之。晏子曰。無益也。祇取誣焉。天道不諂。不二其命。若

之何禳之。使神而可祝而來。亦可禳而去也。百姓若怨。以萬數。而君

令一人禳之。安能勝衆口乎。史記

漢武帝祀甘泉。至渭橋。有女子浴於渭。乳長七尺。上怪而問之。女曰。

帝後第七車侍中。知我所來。時張寬在第七車。對曰。夫星主祭祀者。

齋戒不嚴則女人星見益部者

風諸稽攝提條風之所生也諸稽攝提天通視明庶風之所生也

天神赤奮若清明風之所生也赤奮若共工景風之所生也共工天

身地諸比涼風之所生也諸比天臯稽閭闔風之所生也臯稽天

強不周風之所生也神也窮奇廣莫風之所生也窮奇天神也

條風至則出輕繫去稽留明庶風至則正封疆修田疇清明風至則

出幣帛使諸侯景風至則爵有位賞有功涼風至則報地德祀四郊

閭闔風至則收縣垂琴瑟不張不周風至則修宮室繕邊城廣莫風

至則閉閤梁決刑罰淮南子

風氣者禮樂之使萬物之首也物非風不能熟也風順則歲美風暴

則歲惡樂動聲儀

風或清明來久長不搖樹木枝葉離地二三丈者此有龍德在於下

風或清明不及二三尺者此君子之風也風俗通

太微天帝君曰九天真人呼風為浮金房在明霞之上九戶在瓊闕

之內雲笈七籤

天官之書以正朝占四方之風風從南方來者旱從北方來者湛

東方來者為疫西方來者為兵論衡

風高者道遠下者道近凡大風非常三日三夜者天下盡風也二日

二夜者。天下半風也。一日一夜者。千里風也。抱朴子

治身之道。春避青風。夏避赤風。秋避白風。冬避黑風。養性

景公為長康。將欲美之。有風雨作。公與晏子入坐飲酒。致堂上之樂。

酒酣。晏子作歌云。穗乎不得獲。秋風至今殫。零落風雨之弗殺也。太

上之靡弊也。歌終。頌而流涕。張躬而舞。公遂廢酒罷役。不果成長康。

晏子

楚襄王遊於蘭臺之宮。宋玉景差侍。有風颯然而至。王乃披襟而當

之。曰。快哉此風。寡人所與庶人共者耶。宋玉對曰。此獨大王之風耳。

庶人安得共之。夫風入於深宮。經於洞房。清清冷冷。愈病析醒。發

耳目。寧體便人。此謂大王之雄風。夫庶人之風。壅然起於窮巷之間。音課塵也。音對。

動沙。塚吹死灰。愀悃鬱邑。毳温致濕。此謂庶人之雌風也。宋玉風賦。

齊神武時。芒山之役。風從西來入營。李業興曰。小人風來。當大勝。神

武曰。若勝。以爾為本州刺史。後果驗。北史。

雲。冬至。陽雲出。箕如樹木之狀。小寒合凍。蒼陽雲出。氐。大寒降雪。黑

陽雲出。心。立春。青陽雲出。房。如積水。雨水。黃陽雲出。亢。驚蟄。赤陽雲

出。翼。春分。正陽雲出。張。如積白鵠。清明。白陽雲出。奎。穀雨。大陽雲出。

張。如車蓋。立夏。當雲出。觜。赤如硃。小滿。上陽雲出。七星。芒種。長陽雲

出。斗。維。夏至。少陰雲出。水波萃萃。小暑。雲五色出。大暑。陰雲出。南赤

北蒼。立秋。濁陰雲出如赤繒。處暑。赤雲出。白露。黃陰雲出。秋分。白陰雲出。寒露。正陰雲出如冠纓。霜降。大陰雲出。上如羊。下如礮石。立冬。陰雲出而黑。大雪降。陰雲出而分。冬至日。謹候見雲送迎。從其鄉來。歲美民和。易通卦驗

山雲艸莽。水雲魚鱗。旱雲烟火。潦雲波水。各象其形類。所以感之。淮南

雲外赤內青。謂之商雲。雨雲曰油雲。雪雲曰同雲。淮南

黃泉之埃。上為黃雲。青泉之埃。上為青雲。赤泉之埃。上為赤雲。白泉

之埃。上為白雲。玄泉之埃。上為玄雲。河圖始開

蒼帝起青雲扶日。赤帝起赤雲扶日。黃帝起黃雲扶日。白帝起白雲

扶日。洛書

凡占長吏耕。當視天有黃雲來覆車。五穀大熟。青雲致兵。白雲致盜。

烏雲多水。赤雲有火。東方朔外傳

至亂之國。君相賊。其雲狀有若犬馬。若白鶴連者。東方朔外傳

有雲如蛟龍。所見處。將軍失魄。有雲如鵠尾。來蔭國上。三日亡。兵書

四方北斗中無雲。惟河中有雲。三枚相連如浴狶。三日大雨。黃子發雨書

韓雲如布。趙雲如牛。楚雲如日。宋雲如車。魯雲如馬。兵書

衛雲如犬。周雲如車輪。秦雲如行人。魏雲如鼠。鄭雲如絳衣。越雲如

龍。蜀雲如茵車。晉書

炎帝時有流雲灑液。是謂霞漿。服之得道。後天而老。拾遺記

黃帝戰涿鹿之野。有五色雲氣。金枝玉葉。止於帝上。有花葩之象。因

作華蓋。路史

楚昭王之時。有雲如飛鳥。夾日而飛三日。昭王患之。使人乘驛東而

問諸太史州黎。州黎曰。將虐於王身。以令尹司馬說焉。則可。令尹司

馬聞之。宿齋沐浴。將自以身禱焉。王曰。止。楚國之有不穀也。由身之

有匈脇也。其有令尹司馬也。由身之有股肱也。匈脇轉之股肱。庸為

去是人也。說苑

楚有蒼雲如霓。圍軫七幡。中有荷斧之人。向軫而導。於是楚唐史書

遺灰而雲滅。故曰。唐史之策。上滅蒼雲。春秋文耀鉤

帝寢靈莊殿。召東方朔於青綺牕下。隔綈統重幙。問朔曰。漢承唐運

火德。以何精瑞為祥應。朔跪而對曰。臣嘗過吳明之墟。是長安東。過

扶桑七萬里。有及雲山。山頂有井。雲起井中。若土德王。黃雲出。火德

王。赤雲出。水德王。黑雲出。金德王。白雲出。木德王。青雲出。此皆應瑞

德也。帝曰善。述異記

雨。凡候雨。以晦朔弦望。雲漠四塞者。皆當雨。東風曰雷雨。暴有黑雲

氣如船。覆於日下。當雨。有黑雲氣如斗牛。彘當雨。暴有異雲如水牛

不三日大雨。黑雲如群羊。奔如飛鳥。五日必雨。雲如浮舡。皆雨。北斗

獨有雲不五日大雨四望見青白雲名曰天寒之雲雨微蒼黑雲細如杼軸蔽日月五日必雨雲如兩人提鼓持桴皆為暴雨京房易飛候一歲三十六雨天地之氣宣十日小雨應天文也十五日大雨以斗運也春秋說題辭

大將軍行雨濡衣冠是謂灑兵其師有慶魏武帝兵書摘要

大軍出逢天無雲而雨此天泣也軍沒不還太公兵法

西海上有人乘白馬朱鬣白衣朱冠從十二童子馳馬如飛名曰河伯使者其所至之國雨水滂沱神異經

絳北有陽石山有神龍池黃帝時遣雲陽先生養龍於此國有水旱

不時即祀池請雨遁甲開山圖

三軍將行其旗整然若雨是謂天露三軍失徙將軍雨甚是謂浴屍

先陣者敗亡魏武帝兵書摘要

陰陽二氣生於黃泉氤氳交結出地為雲二氣力均則能為雨或陰氣少而陽氣多或陰氣多而陽氣少皆不能為雨也小畜不雨者陰氣少也小過不雨者陽氣少也小畜上九既雨既處者陽極則陰也

燕明書

前樂後憂厥妖天雨羽又曰邪人進賢人逃天雨毛京房易傳內淫亂百姓勞苦則雨土君去祿信衰厥妖雨艸雨五穀人相食京房

傳易

雨血。君殺。雨膏。忠輔多貪。內記云。天雨膏。師敗。雨肉。將易君。占鏡

天雨水銀。是謂荆祖。不出三年。兵喪。泣起。云國失王。內記

神農之理天下。欲雨則雨。五日為行雨。旬日為穀雨。一旬五日為時

雨。萬物咸利。故曰神雨。尼子

黃帝見廣成子於空同。曰。而治天下。雲氣不待族而雨。莊子

周公載紀。而天下太平。當此之時。雨不破塊。風不鳴條。旬而一雨。

必以夜。無丘陵高下皆熟。益鉄

太公為灌壇令。武王夢婦人當道夜哭。問之。曰。吾是東海神女。嫁于

西海神童。今灌壇令當道。廢我行。我行必有大風雨。而太公有德。吾

不敢以暴風雨過。是毀君德。武王明日召太公。三日三夜。果有疾風

暴雨。從太公邑外過。博物志

魯僖公時。雨澤不澍。比於九月。率群臣禱山川。以六過自讓。退舍南

郊。天立大雨。春秋考異郵

孔子將行。雨而無蓋。門人曰。商也有之。孔子曰。商之為人。也甚慘于

財。吾聞與人交。推其長者。違其短者。故能久也。家語

子游答季孫曰。以子產之仁愛。譬夫子。其猶浸水之與膏雨乎。夫浸

水所及。則生。不及。則死。膏雨之所生也。廣民之受賜也。普莫識其由

來者孔叢

趙簡子問於翟封荼曰。吾聞翟雨穀三日。信乎。曰信。又聞雨血三日。信乎。曰信。又聞馬生牛。牛生馬。信乎。曰信。簡子曰。大哉妖。亦足以亡國矣。對曰。雨穀三日。蚩風之所飄也。雨血三日。鷲鳥擊於上也。馬生牛。牛生馬。雜牧也。此非翟之妖也。簡子曰。然則翟之妖奚也。對曰。其國數散。其君幼弱。其諸卿貨。其大夫比黨。以求祿爵。其百官肆斷而無告。其政令不竟而數化。其士巧貪而有怨。此其妖也。說苑

雪。盛陰雨雪凝滯而冰寒。陽氣薄之。不相入。則散而為霰。盛陽雨水。溫暖而湯熱。陰氣脇之。不相入。則轉而為雹。霰者陰脇陽也。雹者陽

脇陰也

洪範五行傳

天子遊黃臺之丘。獵於革澤。有降雨。天子乃休。日中大寒。北風雨雪。有凍人。天子作黃竹詩三章以哀之。曰。我徂黃竹。負閼寒。穆天子傳

衛君重裘。累茵而坐。見路有負薪而哭者。問之。曰。雪下衣薄也。衛君曰。為君而不知民。孰以我為君。於是開府金。出倉粟。以賑貧窮。子孫

景公時。雨雪三日。公被狐白之裘。曰。怪哉。雨雪三日不寒。晏子曰。古之賢君。飽而知人饑。溫而知人寒。公曰。善。出裘發粟。以與饑寒者。晏子

春秋

魯子耕泰山下。雨雪凍。旬日不得歸。思父母。作梁山操。琴操

霜豐山有九鍾。霜降而自鳴。山海經

誅不原情。其霜附木不下地。不教而誅。其霜反在艸下。京房易傳

鄒衍事燕惠王。盡忠。左右譖之。王繫之獄。仰天而哭。夏五月。天為之

下霜。淮南子

北方白鴈。秋浚乃來。來則霜降。謂之霜信。古今詩話

霧天氣下地不應。曰雲。音濛與霧同地氣發。天不應。曰霧。爾雅孫炎注

白霧四面圍城。不出百日。大兵至城下。抱朴子

露甘露降。耆老得敬。則松柏受之。尊賢容衆。則竹葦受之。甘露者仁

澤也。其凝如脂。其甘如飴。名曰天酒。中興書

聖德上及太清。下及太寧。中及萬靈。則膏露下。鵠冠子

高辛時。丹丘之國。獻瑪瑙甕。以盛甘露。甕至堯時。猶存。甘露在其中。

盈而不竭。謂之寶露。以頒賜群臣。至舜時。露已漸減。舜遷寶甕於衡

山之上。故衡山之岳有寶露壇。舜於壇下起月館。以望夕月。舜南巡

至衡山。百辟群后。皆得露泉之賜。時有雲氣生於甘露壇。又遷寶甕

於零陵之上。東方朔寶甕銘曰。寶雲生於露壇。祥風起於月館。望三

壺如盈尺。視八鴻如縈帶。拾遺記

伊尹說湯曰。水之美者。三危之露。和之美者。揭雲之露。其色紫。呂氏春秋

子胥諫吳王。王怒。暮歸。舉衣出宮。宮中群臣皆曰。天無霖雨。宮中無

泥露相君舉衣行高何為。子胥曰。吾以越諫王。王心迷不聽。吾言官中生草棘。霧露沾吾衣。群臣聞之。莫不悲傷。吳越春秋

虹蜺。鎮星散為虹霓。主內淫。又霓者氣也。起在日側。其色青赤白黃。

河圖稽

天子虹也。又謂之帝弓。明者為虹。暗者為蜺。白虎通

攻城有虹從南方入。飲城中者。從虹攻之勝。白虹遶城不匝。從虹所

在擊之勝。謹守其缺。賊乃從其地破走。黃帝出軍訣

白虹貫牛山。管仲諫曰。無近妃宮。恐失權。齊侯大懼。去色黨。更立賢

輔。使后出望。上牛山四面聽之。以厭神。春秋文曜鉤

孔子修春秋。制孝經。既成。乃齋戒。向北斗星而拜。告備於天。乃有赤氣如虹。自上而下。化為黃玉。上有刻文。孔子跪而受之。搜神記

雷電。春雷初起。其音怗怗。霹靂者。所謂雄雷。旱氣也。其鳴依依。音不

大霹靂者。謂之雌雷。水氣也。師曠占

雷於天地為長子。以其首長萬物。與其出入也。陽用事。百八十三日

而終。陰用事。亦百八十三日而終。雷二月出地。百八十三日雷出。則

萬物出。八月入地。百八十三日雷入。則萬物入。此其常經也。故雷安

萬物安。雷害萬物害。猶國也。君安國亦安。君害國亦害。洪範論

雷。天拒難折衝之臣也。君承用節度。即雷以節。暴人威福。則雷電殺

人京房易傳

雷者太陽之激氣也。正月陽動。故正月始雷。五月陽盛。故五月雷迅。秋冬陽衰。故秋冬雷潛。盛夏之時。太陽用事。陰氣乘之。陰陽分爭。則相校。軫校軫則激射。激射為毒。中人輒死。中木木折。中屋屋壞。論衡雷動百里。故因以制國也。震驚百里。何以知之。以其數知之。夫陽動為九。其數三十六。陰靜為八。其數三十二。一陽動。二陰從。故曰百里。

論語注

禹會塗山之夕。大風雷震。有甲步卒千餘人。其不被甲者。以紅綃帕抹其額。自此遂為軍儀之服。二儀寔錄

武王伐紂。雨甚雷疾。武王之乘。雷震而死。周公曰。天不祐周矣。太公曰。君秉德而受之。不可如何也。六韜

東海上有勇士曰菑丘訢。以勇遊於天下。過神淵。飲馬。馬沉。訢去朝服。拔劍而入。三日三夜。殺二蛟龍而出。雷神隨而擊之。十日十夜。眇

其左目。韓詩外傳

秦穆公出狩。至於咸陵。天震大雷。下有火。化為白雀。啣綠丹書。集於

公車。尚書中候

庶女叫天。雷電下擊。景公。臺損。支體傷折。海水大出。淮南子子路感雷精而生。尚剛好勇。親罹衛難。結纓而死。孔子每聞雷鳴。中

心惻怛。王充論衡

令警野中有玉虎。晨鳴雷聲。聖人感期而興。括地

雷將發聲。有不戒其容止者。生子不備。必有凶災。月令

神武闕馬北牧。道逢暴雨。大雷震地。火燒浮圖。神武令薛孤延視之。

延案稍直前。大呼繞浮圖走。火遂滅。延還鬚及馬尾鬣皆焦。神武歎

其勇決。曰延乃能與霹靂鬪。北史

東方有電。名曰無厚。南方有電。名曰順流。西方有電。名曰墮光明。北

方有電。名曰百生樹。起世經

卷之一終

廣博物志增刪 卷之二

時序 四時曆附 春 夏 秋 冬

四時。四時天之四選也。春者少陽之選。夏者太陽之選。秋者少陰之

選。冬者太陰之選。四選之中。各有孟仲季。故一歲之中有四時。一時

之中有三長。天之節也。春秋繁露

春三月。此謂發陳。天地俱生。萬物以榮。夜卧早起。廣步於庭。披髮緩

形。以使志生。生而勿殺。予而勿奪。賞而勿罰。此春氣之應。養生之道

也。逆之則傷肝。夏三月。此謂蕃秀。天地氣交。萬物華實。夜卧早起。無

厭於日。使志無怒。使華英成秀。使氣得泄。若所愛在外。此夏氣之應。

養長之道也。逆之則傷心。秋三月。此謂容平。天氣以急。地氣以明。早
卧。蚤起。與雞俱興。使志安寧。以緩秋刑。收斂神氣。使秋氣平。無外其
志。使肺氣清。此秋氣之應。養收之道也。逆之則傷肺。冬三月。此謂閉
藏。水冰地坼。無擾乎陽。蚤卧晚起。必得日光。使志若伏若匿。若有私
意。若已有得。去寒就溫。無泄及膚。使氣亟奪。此冬氣之應。養藏之道
也。逆之則傷腎。素問
少陽見寅。寅者演也。律中太簇。律之言率。所以率氣令生也。卯者茂
也。律中夾鍾。衰於辰。辰震也。律中姑洗。其日甲乙者。萬物孚甲也。乙
者物蕃。屈有節。欲出時為春。春之為言僂僂動也。位在東方。其色青。

其音角。角者氣動耀也。其帝太皞。皞者大起。萬物擾也。其神勾芒者。
物之始生。其精青龍。芒之為言萌也。陰中陽。故太陽見於巳。巳者物
必起。律中仲呂。壯盛於午。午物滿長。律中蕤賓。衰於未。未味也。律中
林鍾。其日丙丁者。其物炳明。丁者強也。時為夏。夏之言大也。位在南
方。其色赤。其音徵。徵止也。陽度極也。其帝炎帝。炎帝者太陽也。其神
祝融。祝融者屬續。其精為鳥。離為鸞。故少陰見於申。申者身也。律中
夷則。壯於酉。酉者老。物收斂。律中南呂。衰於戌。戌者滅也。律中無射。
無射者無聲也。其日庚辛。庚者物更也。辛者陰始成。時為秋。秋之為
言愁亡也。其位西方。其色白。其音商。商者強也。其帝少皞。少皞者少

欽也。其神蓐收。蓐收者。縮也。其精白虎。虎之為言搏討也。故太陰見於亥。亥者仰也。律中應鍾。壯於子。子者孳也。律中黃鍾。衰於丑。丑者紐也。律中太呂。其日壬癸。壬者陰始任。癸者揆度也。時為冬。冬之為言終也。其位在北方。其音羽。羽之為言舒。言萬物始孳。其帝顓頊。顓頊者。寒縮也。其神玄冥。玄冥者。入冥也。其精玄武。掩起離體。泉歸龜。蛟珠胎。土為中宮。其日戊己。戊者茂也。己抑屈起。其音宮。宮者中也。其帝黃帝。其神后。上月令云。十一月律謂之黃鍾。何。中和之色。鍾者動也。言陽氣動於黃泉之下。動養萬物也。十二月律謂之太呂。何。太。大也。呂者拒也。言陽氣欲出。陰不許也。呂之為言拒者。旅抑拒難之。

也。正月律謂之太簇。何。太亦大也。簇者湊也。言萬物始大。湊地而出也。二月律謂之夾鍾。何。夾者孚也。言萬物孚甲。種類分也。三月謂之姑洗。何。姑者故也。洗者鮮也。言萬物皆去故就其新。莫不鮮明也。四月謂之仲呂。何。言陽氣將極。彼故復中難之也。五月謂之蕤賓。蕤者下也。賓者敬也。言陽氣上極。陰氣始賓敬之也。六月謂之林鍾。何。林者衆也。萬物成熟。種類衆多。七月謂之夷則。夷傷則法也。言萬物始傷。被刑法也。八月謂之南呂。何。南者任也。言陽氣尚有任生。薺麥也。故陰拒之也。九月謂之無射。何。射者終也。言萬物隨陽而終也。當復隨陰起。無有終已。十月謂之應鍾。何。鍾動也。言萬物應陽而動。下藏。

也。白虎通。

春行冬政。肅行秋政。雷乘陽故雷陰陰行。夏政。闕春既陽夏又陽陽十

二地氣發。戒春事。自此以下陰陽之數日辰之名于時國異政家殊俗此但齊獨行不及天下且經秦焚書或為煨燼

無得而詳為闕。十二小卯出耕。十二天氣下。賜與。十二義氣至。修門

閤。十二清明發禁。十二始卯合男女。十二中卯。十二下卯。三卯同事。

八舉時節。木成數八木氣舉君服青色。味酸。味聽角聲。治燥氣。春多

旱故治用八數。飲於青后之井。東方以羽獸之火爨用南方之火故

燥氣。治用八數。飲於青后之井。東方以羽獸之火爨用南方之火故

仁故所藏者不忍之理。強國為圉。弱國為屬。強國所以禁禦弱動而

無不從。靜而無不同。強動弱必同舉發以禮。時禮必得。強國舉發必

禮也。必和好。不基。貴賤無司。事變日至。鄰國和好不基貴賤之位至

行春政。風春箕宿也行冬政。落重則雨。電其災重行秋政。水秋畢宿十

二小節至德。十二絕氣。下下爵賞。十二中節賜與。十二中絕。收聚。十

二大暑至。盡善。十二中暑。十二小暑終。三暑同事。七舉時節。火成數

節。君則順時。君服赤色。味苦。味聽羽聲。治陽氣。用七數。飲於赤后之

井。南方以毛獸之火爨之毛獸。用西方藏薄純。行篤厚。坦氣

修通。凡物開。靜形生理。定府官。明名分。而審責於群臣。有司。則下不

乘上。賤不乘貴。法立數得。而無比周之民。則上尊而下卑。遠近不乖

卷之四十四

秋。行夏政業。行春政革。少陽氣乘之故行冬政耗。盛陰肅殺十二期

風至。戒秋事。十二小卯薄百爵。十二白露下收聚。十二復理賜與。十

二始節賦事。十二始卯合男女。十二中卯。十二下卯。三卯同事。九和

時節。金成數九金氣和君君服白色。味辛味。聽商聲。治濕氣。用九數。

飲於白后之井。西方以介蟲之火變。介虫北方玄武用北方藏恭敬。

行擣鏡。坦氣修通。凡物開靜形生理。間男女之畜。修鄉閭之什伍。量

委積之多寡。定府官之計數。養老弱而勿通。老少異糶故信利周

而無私。申布秋利既令冬行秋政霧。行夏政雷。行春政丞泄。十二始

寒盡刑。十二小榆賜予。十二中寒收聚。十二中榆大收。十二寒至靜。

十二大寒之陰。十二大寒終。三寒同事。六行時節。水成數六水氣行

政。君服黑色。味鹹味。聽徵聲。治陰氣。用六數。飲於黑后之井。北方以

鱗獸之火變。鱗獸東方青龍也用東藏慈厚。行薄純。坦氣修通。凡物

開靜形生理。器成於僂。冬行刑之時教行於鈔。鈔末動靜不記。行止

無量。記動靜則戒審四時以別息。息生也四時生物各異出入以兩

易。出入既異又並今明養生以解固。審取予以總之。管子

東方曰星。其時曰春。其氣曰風。風生木與骨。其德喜贏而發出節。言

德喜悅長贏。為發生之節時其事號令修除神位。謹禱弊梗。梗塞也時方開通而

神以通。宗正陽。春陽事故以治隄防耕芸樹藝。正津梁。修溝瀆。甃屋

行水。行水也解怨赦罪。通四方。然則柔風甘雨乃至。百姓乃壽。百

蟲乃蕃。此謂星德。星者掌發為風。是故春行冬政則雕。行秋政則霜。

行夏政則欲。是故春三月以甲乙之日發五政。一政曰論幼孤。舍有

罪。二政曰賦爵列授祿位。三政曰凍解修溝瀆。復亡人。四政曰端險

阻。修封疆。正千伯。千伯即千伯也五政曰無殺麋天母。蹇華絕芋。蹇拔也五政

苟時。春雨乃來。南方曰日。其時曰夏。其氣曰陽。陽生火。與氣其德施

舍修樂。其事號令。賞賜賦爵受祿順卿。不違土宜謹修神祀。量功賞賢。

以動陽氣。九暑乃至。時雨乃降。五穀百果乃登。此謂日德。中央曰土。

土德寔輔。四時入出。以風雨節土益力。土德雨過益其生植之力土生皮肌膚。其

德和平用均。中正無私。實輔四時。春羸育。夏養長。秋聚收。冬閉藏。大

寒乃極。國家乃昌。四方乃服。此謂歲德。日掌賞。賞為暑。歲掌和。和為

雨。夏行春政則風。行秋政則水。行冬政則落。是故夏三月以丙丁之

日發五政。一政曰求有功。發勞力者而舉之。二政曰開父墳。久墳處

通之。發故屋辟故窳。以假貸。三政曰令禁扇去笠。不欲令人禦毋振

免。禁振免袒者亦不除急漏田廬。田中之廬欲得之四政曰求有德。賜布

施於民者而賞之。五政曰令禁置設禽獸。毋殺飛鳥。五政苟時。夏雨

乃至也。西方曰辰。其時曰秋。其氣曰陰。陰生金。與甲。陰氣凝結堅定

也。其德憂哀。靜正嚴順。居不敢淫。佚其事。號令毋使民淫暴。順旅聚

也。

也。

也。

也。

也。

也。

收順時理軍旅量民資以畜聚賞彼群幹幹賞之聚彼群材材可九
 材百物乃收使民毋怠所惡其察所欲必得察所惡之方而伐我信
 則克誠信故此謂辰德辰掌收收為陰秋行春政則榮行夏政則水
 行冬政則耗是故秋三月以庚辛之日發五政一政曰禁博塞圍小
 辯闢譯小辯則利口二政曰毋見五兵之謂傳言三
 政曰慎旅農趨聚收四政曰補缺塞圻五政曰修墻垣周門閭五政
 苟時五穀皆入北方曰月其時曰冬其氣曰寒寒生水與血其德淳
 越温怒周密冬時周落惟根幹存故以淳順為德越散也冬既閉藏
 者象陰之閉藏也其事號令修禁徙民令靜正時方休息故禁地乃不泄

斷刑致罰無赦有罪以符陰氣大寒乃至甲兵乃強五穀乃熟國家
 乃昌四方乃備此謂月德月掌罰罰為寒冬行春政則泄行夏政則
 霤行秋政則旱是故冬三月以壬癸之日發五政一政曰論孤獨恤
 長老二政曰善順陰修神祀賦爵祿授倫位三政曰效會計毋發山
 川之藏山藏銅銀之屬藏在山者四政曰捕姦遁得盜賊者有賞五
 政曰禁遷徙止流民圍分異離居謂五政苟時冬事不過所求必得
 所惡必伏是故春凋秋榮冬霤夏有霜雪此皆氣之賊也刑德易節
 失次則賊氣邀至賊氣邀至則國多菑殃是故聖王務時而寄政焉
 而謂順時立政作教而寄武作記而寄德焉此三者聖王所以合於天地之

行也。日掌陽。月掌陰。星掌和。陽為德。陰為刑。和為事。是故。日食則失德之國。惡之。月食則失刑之國。惡之。彗星見則失和之國。惡之。風與日爭明則失生之國。惡之。日惡風且執早災成矣失生德也故失生之國惡也是故。聖王日食則修德。月食則修刑。彗星見則修和。風與日爭明則修生。此四者。聖王所以免於天地之誅也。信能行之。五穀蕃息。六畜殖。而甲兵強。管子明王有凶禁。春無殺伐。無割大陵。伐大木。斬大山。行大火。誅大臣。收穀賦錢。夏無過水。壅名川。塞大谷。動土功。射鳥獸。秋無赦過。釋罪省刑。冬無爵賞。祿傷伐五藏。故春政不禁則五穀不成。夏政不禁則妙木不榮。秋政不禁則姦邪不勝。冬政不禁則地氣不藏。四者俱犯則

陰陽不和。風雨不時。管子

立春之日。迎春於東郊。祭青帝。勾芒。車旗服飾皆青。歌青陽。八佾舞雲翹之舞。立夏之日。迎夏於南郊。祭赤帝。祝融。車旗服飾皆赤。歌朱明。八佾舞雲翹之舞。先立秋十八日。迎黃靈於中兆。祭黃帝。后土。車旗服飾皆黃。歌朱明。八佾舞雲翹育命之舞。立秋迎秋。西郊。祭白帝。蓐收。車旗服飾皆白。歌西皓。八佾舞育命之舞。使謁者以一特牲。先祭先虞於壇。有事。天子八囿射牲。以祭宗廟。名曰驅劉。立冬迎冬。北郊。祭黑帝。元冥。車服皆黑。歌元冥。八佾舞育命之舞。祭祀志春之德。風風不信。則花萼不茂。花萼不茂。則發生之德廢。夏之德。炎

炎不信。則艸木不長。艸木不長。則長羸之德廢。秋之德。雨。雨不信。則百穀不實。百穀不實。則收成之德廢。冬之德。寒。寒不信。則水土不堅。水土不堅。則安靜之德廢。越絕
日冬至。則斗北。中繩。陰氣極。陽氣萌。故曰冬至為德。日夏至。則斗南。中繩。陽氣極。陰氣萌。故曰夏至為刑。陰氣極。則北至。北極。下至黃泉。故不可以鑿地穿井。萬物閉藏。蟄虫首穴。故曰德在室。陽氣極。則南至南極。上至朱天。故不可以升丘上屋。萬物蕃息。五穀兆長。故曰德在野。日冬至。則水從之。日夏至。則火從之。故五月火正。而水漏。十一月水正。而陰勝。陽氣為火。陰氣為水。水勝故夏至溼。火勝故冬至燥。

燥故炭輕。溼故炭重。日東至。井水盛。盆水溢。日夏至。而流黃澤。石精

出。淮南子

攝提格之歲。歲早水。晚旱。稻疾。蠶不登。菽麥昌。民食四升。寅在甲曰
闕逢。單閼之歲。歲和。稻菽麥蠶昌。民食五升。卯在乙曰旃蒙。執徐之
歲。歲早早晚水。小饑。蠶閉。麥熟。民食三升。辰在丙曰柔兆。大荒落之
歲。歲有小兵。蠶小登。麥昌。菽疾。民食二升。巳在丁曰疆圉。敦牂之歲。
歲大旱。蠶登。稻疾。菽麥昌。禾不為。民食二升。午在戊曰著離。協洽之
歲。歲有小兵。蠶登。稻昌。菽麥不為。民食三升。未在巳曰屠維。涇灘之
歲。歲和小雨。蠶登。菽麥昌。民食三升。申在庚曰上章。作鄂之歲。歲

有大兵。民疾。蠶不登。菽麥不為。禾虫。民食五升。酉在辛曰重光。掩茂之歲。歲小饑。有兵。蠶不登。麥不為。菽昌。民食七升。戌在壬曰玄默。大淵猷之歲。歲有大兵。大饑。蠶開。菽麥不為。禾虫。民食三升。困敦之歲。歲大霧起。大水出。蠶稻麥昌。民食三斗。亥在癸曰昭陽。赤奮若之歲。歲有小兵。旱水。蠶不出。稻疾。菽不為。麥昌。民食一升。淮南子孟春始羸。孟秋始縮。仲春始出。仲秋始內。季春大出。季秋大內。孟夏始緩。孟冬始急。仲夏至修。仲冬至短。季夏德畢。季冬刑畢。故正月失政。七月涼風不至。二月失政。八月雷不藏。三月失政。九月不下霜。四月失政。十月不凍。五月失政。十一月蟄虫冬出其鄉。六月失政。十二

月艸木不脫。七月失政。正月大寒不解。八月失政。二月雷不發。九月失政。三月春風不濟。十月失政。四月艸木不寔。十一月失政。五月下電霜。十二月失政。六月五穀疾狂。春行夏令泄。行秋令水。行冬令肅。夏行春令風。行秋令蕪。行冬令格。秋行夏令華。行春令榮。行冬令耗。冬行春令泄。行夏令旱。行秋令霧。淮南子春為忠。東方為春。春動也。是故鳥獸莫不孕榮。華生。萬物遂。忠之至也。夏為樂。南方為夏。夏興也。南任也。是故萬物莫不任興。蕃殖充盈。樂之至也。秋為禮。西方為秋。秋肅也。萬物莫不肅敬。禮之至也。冬為信。北方為冬。冬終也。北伏也。是故萬物冬皆伏。貴賤若一。美惡不

滅信之至也。尸子

冬至及半夜以後者。近玄之象也。進而未極。往而未至。虛而未滿。故謂之近玄。夏至及日中以後者。遠玄之象也。進極而退。往窮而還。已滿而損。故謂之遠玄。日一南而萬物死。日一北而萬物生。斗一北而萬物虛。斗一南而萬物盈。日之南也。右行而左還。斗之南也。左行而右還。或左或右。或死或生。神靈合謀。天地乃并。天神而地靈。經太玄伏羲初置元日。神農初置臘節。軒轅初置二社。巫咸始置除夕節。周公始置上巳。秦德公初置伏日。晉平公始置中秋。齊景公始置重陽。端午。楚懷王初置七夕。秦始皇初置寒食。漢武帝始置三元。東方朔

初置人日。物原

正朔有三。本天有三統。謂三微之月也。明王者當敬始重本也。禮三正。記曰三微者。何謂也。陽氣始施。黃泉萬物動微而未著也。十一月之時。陽氣始養。根於黃泉之下。萬物皆赤。赤者盛陽之氣也。故周為天。正色尚赤也。十二月之時。萬物始芽而白。白者陰氣。故殷為地。正色尚白也。十三月之時。萬物始達。孚甲而出。皆黑。人得加功。故夏為人。正色尚黑。尚書大傳曰。夏以孟春月為正。殷以季冬為正。周以仲冬為正。夏以十三月為正。色尚黑。以平旦為朔。殷以十二月為正。色尚白。以雞鳴為朔。周以十一月為正。色尚赤。以夜半為朔。不以二月

後為正者。萬物不齊。莫適所統。故必以三微之月也。通白虎

三微而成著。三著而體成。當此之時。天地交。萬物通也。易乾

春正月啓蟄。鴈北鄉。雉震响。魚陟負冰。時冰雖未解。地氣上達。而水溫。故魚游水上。如負冰然。

農緯厥耒。耒。束也。束其耒者。夙戒農事。初歲祭耒。祭始為耒之人也。始用暢。暢。卷也。古者先立春。王將

耕藉。則鬱人薦鬯。王裸。此蓋祭耒而用暢也。困有見莖。時有俊風。寒日滌凍塗。田鼠出。農

率均田。農。率。田。畷也。均。田。者。月令孟春。修封疆。端經術是也。獺祭。獻魚。鷹則為鳩。善變而之仁也。蓋生育氣

之。故鷲鳥感。農及雪澤。積雪之澤。未消則土田膏潤。可及此。時服農工也。初服于公田采芸。

此月可采矣。蓋為廟荐也。鞠則見。鞠。菊。古通用。埤雅曰。菊如聚金。此月可采矣。蓋為廟荐也。梅杏桃李則華。梅。杏。桃。桃李。先生花者。

苗始。初昏。參中斗柄。縣在下。柳穉。梅杏桃李則華。梅。杏。桃。桃李。先生花者。

澤音浩
草名
擇音培
引取也

也。緹滿。爾雅。滿。侯。莎。其寔。緹。乃香附子。之苗也。此時成寔。故曰緹滿。

雞捋粥。捋。姬。伏。粥。卷也。捋。子也。者。雞。抱。卵。以。粥。子。也。

二月往耒黍。禪初。禪。單也。初。當作初禪。禪。袂。衣。俊羔助厥母粥。俊。大也。粥。養也。大。羔。能。食。草。木。而。不。食。其。母。乳。助。緹。多。士。女。會。安。也。周。禮。仲。春。令。養。也。大。羔。

入學。萬。維。之。總。名。月。令。仲。春。上。丁。命。樂。正。習。舞。釋。菜。是。也。祭鮪。以。是。魚。先。至。月。令。季。春。祭。鮪。于。寢。廟。本。此。藥。董。鳥。頭。

采蘩。白。蒿。也。祭。祀。之。用。也。昆小虫抵。抵。昆。衆。也。抵。觸。也。比。子。在。卵。曰。來。降。燕。乃。睇。降。下。也。睇。睇。也。蓋。燕。始。來。降。剥。鱗。鼓。或。謂。之。鼈。更。剥。取。其。皮。以。鼓。有。鳴。倉。庚。樂。芸。時。有。見。穉。始。收。穉。草。木。始。生。之。芽。擇。可。茹。者。收。之。以。供。豆。寔。○。夏。小。正。鼓。有。鳴。倉。庚。樂。芸。時。有。見。穉。始。收。穉。草。木。始。生。之。芽。擇。可。茹。者。收。之。以。供。豆。寔。○。夏。小。正。

三月參則伏。初。床。時。參。已。攝。桑。攝。取。萎。揚。其。類。牀。牀。然。按。西。下。而。沒。

三月參則伏。初。床。時。參。已。攝。桑。攝。取。萎。揚。其。類。牀。牀。然。按。西。下。而。沒。

三月參則伏。初。床。時。參。已。攝。桑。攝。取。萎。揚。其。類。牀。牀。然。按。西。下。而。沒。

羊性寒散處熱則環聚如圍時穀則鳴穀天頒冰食之家采識識

天將熱羊乃環聚故曰羴羊可作議草也妻子始蠶執養官事妾與子始躬理吞使之祈麥實越有

小旱越于也記是時田鼠化為鴛陰類之隱者遷乎拂桐芭拂桐芭

鳴鳩恒有小旱爾音請側也

春為規規之為度也轉而不復圓而不規復而不縱廣大以寬感動

有理發通有紀優優簡簡百怨不起規度不失生氣乃理淮南

管仲曰吾窮必矣吾不能以春風風人不能以夏雨雨人吾窮必矣

邯鄲之民以正月之旦獻鳩於簡子簡子大悅厚賞之客問其故簡

子曰正旦放生示有恩也客曰民知君之欲放之競而捕之死者與

矣君如欲生之不若禁民勿捕簡子曰然列子

正朝縣官殺羊縣其頭於門又磔雞以副之俗說以厭厲氣玄以問

河南伏君伏君曰是土氣上升艸木萌動羊齧百艸雞啄五穀故殺

之以助生氣裴玄新語

夏四月昂則見昂畢間為天街日月五星出入要道孟初昏南門正

亢為既廟主章奏其鳴札札寧縣也如囿有見杏鳴蜮蜮短狐也能

南北兩大星曰南門蟬而小有文

中人影其王負莠王負即王瓜莠取茶以為君莠幽越有大旱執陟

攻駒執執駒也陟者升之君也攻駒教之閑于御也月令繫騰駒

蓋執繫其騰躍之駒正其蹠齧教之使服車也夏小正

十三

十三

五月參則見。蟬有殷。殷，衆也。鳩則鳴。時有養日。養，長也。謂乃衣瓜。

曰為天子削瓜者副之。中以締為國君者華之中。以綸為大夫者累之。士薨之庶人齧之。疏曰：削刊也。副，析也。刊，其皮而折為四解。又橫解以細葛巾覆之。而進也。華，半破也。諸侯禮降故破而不四折。亦橫斷之用。粗葛巾覆也。或謂衣瓜即此。蓋瓜時可食，故衣而進於君也。

良鯛鳴。偃之興五日。翕望乃伏。翕，合也。望，月之望也。伏，入而不見也。啓灌藍蓼。啓，別也。陶而疏也。

業也。灌，生也。鳩為鷹。唐鯛鳴，初昏大火中。種黍菽糜。煮梅。煮，為蓄蘭。浴也。

頒馬。頒，分也。夫婦之駒也。人鄉師以時辨其車馬之物。有及時分頒良駕色力等差之政。夏小正。

六月初昏斗柄正在上。煮桃。煮，桃也。以鷹始擊。夏小正。紂嘗以六月獵於西土。發民逐禽。民諫曰：今六月天務覆施，地務長養。今盛夏發民逐禽，而元元懸於野，君踐一日之苗，而民百日不食。

楸。太公金匱。

天子失道，後必無福。紂以為妖言而誅之。後數日，天暴風雨，發屋折。宣公夏濫於泗淵，里革斷其罟而棄之。曰：古者大寒降，土蟄發，水虞於是乎講衆罟，取名魚。登川禽，而嘗之寢廟，行諸國人，助宣氣也。山不槎蘖，澤不伐天。魚禁鯢鮪，獸長麇麇，鳥翼鷖卵，蟲舍蜚蜾，蕃庶物也。今魚方別孕，不教魚長，又行網罟，貪無藝也。公聞之，曰：吾過而里革匡我，不亦善乎？是良罟也。國語。

秋七月，莠萑葦，狸子肇肆。肆，逐也。或曰肆，殺也。埤雅云：狸伏獸，行則止而擬度，故其跡凡而不速。蓋至此始肆。湟潦生葦。湟，下濕也。爽，死也。猶葦莠，漢案戶也。言正南北也。寒蟬

鳴。初昏織女正東鄉。織女三星。跌然如隅。在河北。天紀東端。時有霖

雨。灌荼。灌聚也。斗柄縣在下則旦。夏小

八月剥爪玄較。玄者黑也。較若綠色。然婦人未嫁者衣之較。疑當作

與剥棗。取也。栗零。零者降也。零而後丹鳥羞白鳥。白鳥蚊蚋也。螢火

羞進也。若食之珍羞相似。辰則伏。鹿人從。鹿人古山虞掌獸。駕為鼠

參中則旦。夏小

九月內火。內火火入地下。即大火心也。仲遘鴻鴈。遘往也。主火出火。以主

者不禁也。言大火既入而後。蟄者畢是也。陟玄鳥螫。先言陟而後

難於嶧山。百姓飢饉。極野。鼠蟄燕而食之。然則世言燕秋社度海不

也。蓋然。熊羆貉鼯鼪則穴。鼪鼠名。似鼯。赤黃色。大尾。江東呼為鼪。樂

鞠。月令。季秋鞠。有黃華是也。榘麥。王始裘。辰繫于日。雀入于海為蛤。飛物化為。潛

夏小正。冬十月豺祭獸。取獸四面陳之。初昏南門見黑鳥浴。黑鳥時有。養夜

玄雉入于淮為蜃。海雉。蜃大蛤也。織女正北鄉則旦。夏小

十有一月。王狩。陳筋革。省甲兵也。既。畷人不從。穡事畢。故不從。稼隕

麋角。鹿好群而相。比則陽類也。故夏至感陽生而角解。夏小正。

十有二月。鳴弋。弋當作。鳶。今雲。霧。玄駒賁。走入地中也。納卵蒜。卵蒜

卯者也。納者納之君也。虞人入梁。虞人澤虞也。梁絕水以取魚者。乃

金氏曰。納者納之君也。虞人入梁。令季冬命漁師始漁。天子親往。乃

掌魚先荐寢廟其此之謂與隕麋角夏小正

冬至之日立八神樹八尺之表日中視其晷如度其歲美人民和

順不如度者則歲惡人民多譌言政令為之不平晷進則水晷退則

旱進一尺則日食退一尺則月食月食則正臣下之行日食則正人

主之道卦易通

先冬至三日懸土炭於衡兩端輕重適均冬至日陽氣至則炭重夏

至日陰氣至則土重天官書

夏桀之時以十月發民鑿山穿陵通於河民諫曰孟冬鑿山穿陵是

泄天之氣發地之藏天子失道後必有敗桀殺之暮年岑山崩為大

澤湯率諸侯伐之太公金匱

越王念復吳怨目卧則攻之以蓼足寒則漬之以冰冬則抱冰夏還

握火吳越春秋

曆

昔者聖王之造曆數也察紀律之行觀運機之動原星辰之迭中寤
晷景之長短於是營儀以准之立表以測之下漏以攷之布筭以追
之然後元首齊乎上中朔正乎下寒暑順序四時不忒夫曆數者先
王以憲殺生之期而詔作事之節也使萬國之民不失其業者也

論中

伏羲在位百一十年始有甲曆五運通曆

神農始治農功正節氣審寒溫為早晚之期故立曆目揚泉物

黃帝命大撓正甲子撥五行之情而定之納音風后釋之以致其用

而三命行矣察三辰於上迹禍福於下經緯歷數然後天步有常而

不倍命容成作蓋天綜六術以定氣象問於鬼史蔭曰上下周紀其

有數乎對曰天以六節地以五制周天氣者六期為備終地氣者五

歲為周五六合者歲三十七百二十氣為一紀六十歲千四百四十

氣為一周太過不及斯以見矣乃因五量治五氣起消息察發歛以

作調歷歲紀甲寅日紀甲子立正爻以配氣致種爻以抵日而時節

定是歲已酉朔旦南至而獲神策得寶鼎冕侯問於鬼容蔭容蔭對

曰是謂得天之紀終而復始爰興封禪迎日推策造十六神歷積邪

分以致閏配甲子而設節歲七十六以為紀紀二十而節首定之原

名握先率二十而冬至復朔凡二十推三百八十年而策定然後時

惠而辰從續漢書

小昊氏衰玄都氏黎實亂天德賢鬼而廢人惟龜策之從謀臣不用

詰士在外家為巫史亡有要質民墮於祀神喪民狎嘉生不降龜策

鬼神不足以舉勝左右背鄉不足以專戰顛頊乃命重犁典司祝融

重獻上天以屬神犁抑下地以屬民以絕上下之通以規三辰之行

史略

帝注新歷。十三月以為元。歲紀甲寅。上日乙巳。日月直良維之初。而五星會於天歷。冰始離。蟄始動。時音雞流三號。而立春至。天曰作時。地曰作昌。人曰作樂。是以萬物應和。而百事理。是為歷宗。路史禹命伯封叔及昭明。作衍曆。歲紀甲寅。鈐天行施。敬授人時。路史武王作周曆。周公作魯曆。董巴議命曆序曰。孔子治春秋。退修殷之故曆。使其數可傳於後。春秋宜以殷曆正之。今攷之。交會不與殷曆相應。晉志黃帝高辛夏后。以十三月為正。少昊唐虞。以十二月為正。高陽虞周。以十

一月。宋志

黃帝造曆。元起辛卯。而顓頊用乙卯。虞用戊午。夏用丙寅。殷用甲寅。周用丁巳。魯用庚子。漢初用乙卯。至武帝元帝。以丁丑。續漢書九洲地二千四百三十萬八千二百四頃。其墾者九百一十萬六千二百四十頃。夏禹所治四海內地。東西二萬八千里。南北二萬六千里。吐水

卷之二終

黃帝造曆

卷二曆

十八

廣博物志增刪

卷之三

武王作周原周公作魯曆
周用丁巳魯用庚子鄭用丁卯
黃帝起曆元建辛卯丙子
二月為正少昊唐虞以十一月為陽
唐虞以十一月為陽

周用丁巳魯用庚子鄭用丁卯
黃帝起曆元建辛卯丙子
二月為正少昊唐虞以十一月為陽
唐虞以十一月為陽

廣博物志增刪 卷之三

地形 井地 田山 水都邑 城池

地神農度四海內東西九十萬里南北八十一萬里帝堯所治九州地二千四百三十萬八千二百四頃其墾者九百一十萬八千二十四頃夏禹所治四海內地東西二萬八千里南北二萬六千里出水者八千里受水者八千里廣雅昔在帝堯叶和萬邦制八家為鄰三鄰為朋三朋為里五里為邑十邑為都十都為師州十有二師焉晉書湯問於夏革曰四海之外奚有革曰猶齊州也湯曰汝奚以寔之革

廣博物志增刪

卷三地

乙

曰朕東行至營。人民猶是也。開營之東。復有營也。西行至幽。人民猶是也。開幽之西。復有幽也。朕以是知四海四荒四極之不異是也。子列
職方氏掌天下之圖。以掌天下之地。辨其邦國都鄙四夷八蠻七閩九貉五戎六狄之人民。與其財用九穀六畜之數。要周知其利害。乃辨九州之國。使同貫利。東南曰揚州。其山鎮曰會稽。其澤藪曰具區。其川三江。其浸五湖。其利金錫竹箭。其民二男五女。其畜宜鳥獸。其穀宜稻。正南曰荊州。其山鎮曰衡山。其澤藪曰雲夢。其川江漢。其浸潁。其利丹銀齒革。其民一男二女。其畜宜鳥獸。其穀宜稻。河南曰豫州。其山鎮曰華山。其澤藪曰圃田。其川滎雒。其浸波澨。其利林漆。

絲枲。其民二男三女。其畜宜六擾。其穀宜五種。正東曰青州。其山鎮曰沂山。其澤藪曰望諸。其川淮泗。其浸沂沐。其利蒲魚。其民二男二女。其畜宜雞狗。其穀宜稻麥。河東曰兗州。其山鎮曰岱山。其澤藪大野。其川河泲。其浸盧維。其利蒲魚。其民二男三女。其畜宜六擾。其穀宜四種。正西曰雍州。其山鎮曰嶽山。其澤藪曰弦蒲。其川涇汭。其浸渭洛。其利玉石。其民三男二女。其畜宜牛馬。其穀宜黍稷。東北曰幽州。其山鎮曰醫無閭。其澤藪曰貍養。音溪其川河泲。其浸菑時。其利魚鹽。其民一男三女。其畜宜四擾。其穀宜三種。河內曰冀州。其山鎮曰霍山。其澤藪曰楊紆。其川漳。其浸汾潞。其利松柏。其民五男三女。其畜

宜牛羊。其穀宜黍稷。正北曰并州。其山鎮曰恒山。其澤藪曰昭餘祁。其川虜池。嘔夷。其浸溇易。其利布帛。其民二男三女。其畜宜五擾。其穀宜五種。乃辨九服之邦國。方千里曰王畿。其外方五百里曰侯服。又其外方五百里曰甸服。又其外方五百里曰男服。又其外方五百里曰采服。又其外方五百里曰衛服。又其外方五百里曰蠻服。又其外方五百里曰夷服。又其外方五百里曰鎮服。又其外方五百里曰藩服。周禮

東至於泰遠。西至於邠國。南至於濮鉛。北至於祝栗。謂之四極。觚竹。北后。西王母。日下。謂之四荒。太平之人。仁。丹穴之人。智。太蒙之人。信。

空同之人。武。爾雅

九州之大。純方千里。九州之外。乃有八殫。亦方千里。自東北方曰大澤。曰無通。東方曰大渚。曰少海。東南方曰昇區。曰元澤。南方曰大夢。曰浩澤。西南方曰渚資。曰丹澤。西方曰九區。曰泉澤。西北方曰大夏。曰海澤。北方曰大冥。曰寒澤。凡八殫。八澤之雲。是雨九州。八殫之外。而有八紘。亦方千里。自東北方曰和丘。曰荒土。東方曰棘林。曰桑野。東南方曰大窮。曰衆女。南方曰都廣。曰反戶。西南方曰焦僥。曰炎土。西方曰金丘。曰沃野。西北方曰一目。曰沙所。北方曰積冰。曰委羽。凡八紘之氣。是出寒暑。以合八正。必以風雨。八紘之外。乃有八極。自東

北方曰方土之山曰蒼門東方曰東極之山曰開明之門東南方曰
波母之山曰陽門南方曰南極之山曰暑門西南方曰編駒之山曰
白門西方曰西極之山曰闔闔之門西北方曰不周之山曰幽都之
門北方曰北極之山曰寒門凡八極之雲是雨天下八門之風是節
寒暑八紘八殞八澤之雲以雨九州而和。中土東方之美者有醫母
閭之珣玕琪焉。東南方之美者有會稽之竹箭焉。南方之美者有梁
山之犀象焉。西南方之美者有犛山之金石焉。西方之美者有霍山
之珠玉焉。西北方之美者有崑崙之球琳琅玕焉。北方之美者有幽
都之筋角焉。東北方之美者有斥山之文皮焉。中央之美者有岱嶽

以生五穀桑麻。魚鹽出焉。凡地形東西為緯南北為經。山為積德。川
為積刑。高者為生。下者為死。丘陵為牡。谿谷為牝。水圓折者有珠。方
折者有玉。清水有黃金。龍淵有玉英。土地各以其類生。是故山氣多
男。澤氣多女。障氣多暗。風氣多聾。林氣多癩。木氣多偃。岬下氣多腫。
石氣多力。險阻氣多癯。暑氣多禾。寒氣多壽。谷氣多痺。丘氣多狂。衍
氣多仁。陽氣多貪。輕土多利。重土多遲。清水音小。濁水音大。湍水入
輕。遲水入重。中土多聖人。皆象其氣。皆應其類。故南方有不死之妙。
北方有不釋之冰。東方有君子之國。西方有形殘之尸。寢居直夢人
死為鬼。磁石上飛。雲母來水。土龍致雨。燕歷代飛。蛤蟹珠龜。與月盛

衰。是故堅土人剛。弱土人肥。墟土人大。沙土人細。息土人美。耗土人醜。食水者善游。能寒。食土者無心而慧。食木者多力而羸。食艸者善走而愚。食葉者有絲而蛾。食肉者勇敢而悍。食氣者神明而壽。食穀者知慧而夭。不食者不死而神。淮南子
 東方之極。自碣石過朝鮮。貫大人之國。東至日出之次。抹木之地。青土。楸木之野。太皞勾芒之所司者。萬二千里。南方之極。自北戶。烏孫之界。貫顛頊之國。南至委火炎風之野。赤帝祝融之所司者。萬二千里。中央之極。自崑崙東。絕恒山。日月之所道。江漢之所出。人民之野。五穀之宜。龍門河濟相貫。以息壤堙鴻水之洲。東至於碣石。黃帝

土之所司者。萬二千里。西方之極。自崑崙絕流沙沉羽。西至三危之國。石城金室。飲氣之民。不死之野。少皞蓐收之所司者。萬二千里。北方之極。自九極窮夏海之所極。北至今止之俗。有凍寒積雪。電霜霰凜潤。群水之野。顛頊玄冥之所司者。萬二千里。淮南子
 山。凡天下名山。五千二百七十。出銅之山。四百六十。有七。出鐵之山。三千六百。有九。廣雅
 五嶽者何謂也。秦山東嶽也。霍山南嶽也。華山西嶽也。常山北嶽也。嵩高山中嶽也。五嶽何以視三公。能大布雲雨焉。能大歛雲雨焉。雲觸石而出。膚寸而合。不崇朝而雨。天下施德博。大故視三公也。四瀆

者何謂也。江河淮濟也。四瀆何以視諸侯。能蕩滌垢濁焉。能通百川於海焉。能出雲雨千里焉。為施甚大。故視諸侯也。山川何以視子男也。能出物焉。能潤澤物焉。能生雲雨為恩多。然品類以百數。故視子男也。說苑

泰山在左。充父在右。充父知生。梁甫知死。王者封泰山。禪梁甫。關山圖

東山名曰日觀者。雞一鳴時。見日始欲出。長三丈所。秦觀者望見長

安。吳觀者望見會稽。周觀者望見齊。應劭漢官儀

嶼來山是蜀中來與嵩山爭高而不勝。故云嶼來。嵩山記

汶山之地為井絡。天以會昌神以建福。上為天井。河圖

方丈之西北有陰成大山。滄浪西南有陽長大山。山周迴各一千四百里。高七百里。其山多真仙之人所居處焉。此二山是陽九百六曆數之標揭也。百六之運將至。則陽長水竭。陰成水架矣。陽九之運將至。則陰成水竭。陽長水架矣。真誥

仁者何以樂山。山者萬物之所瞻仰。艸木生焉。衆物立焉。飛禽萃焉。走獸休焉。寶藏殖焉。奇夫息焉。有群物而不倦焉。四方並取而不限焉。出雲導風。從乎天地之間。天地以成。國家以寧。有似夫仁人志士是仁者所以樂山也。說苑

蒲城有堯山。亦名浮山。舊圖經云。昔堯時。洪水為災。諸山盡沒。惟此

卷之六

山若浮。因以為名。桂陽有山。盤紆數百里。有緒崑迭起。冠以青林。與雲霞亂。音勤。木忽高貌。山上有白石。英山下有平陵。有大堂基。者舊云堯行宮所。

經水

虞山東二百里。有石室。太公呂望避紂之處。吳地

黃州東百里有孔子山。相傳孔子適楚。嘗登山上。有坐石。妙木不侵。

有硯石。每雨。墨水浸出。山川記異

西河謁泉山。一名隱泉山。山有石室。子夏退居之所。隋圖

長白山。陳仲子夫妻隱處。郡國志

舜時十有一月。巡狩北嶽。詣大茂山。谷值大雪。不能進而遙祭之。忽

廟之右飛一石。冉冉而墜。帝前名曰安王石。又五載巡狩。其石飛於

曲陽。建廟祀之。

禹治洪水。山陵當水者鑿之。故破山以通河。河水分流。包山而過。山

見水中。若柱然。故曰砥柱。水經

禹治洪水。至牧德之山。見神人焉。謂禹曰。勞子之形。役子之慮。以治

洪水。無乃怠乎。禹知其神人。再拜請誨。神人曰。我有靈寶五符。以役

蛟龍水豹。子能傳之。不日而就。因授禹而誡之曰。事畢可秘之於靈

山。禹成功後。乃藏之於洞庭苞山之穴。至吳王闔閭之時。有龍威丈

人得符。獻之。吳王以示群臣。皆莫能識。乃令賈符以問孔子。孔子曰。

昔禹治水於牧德之山。遇神人授以靈寶五符。後藏於洞庭之苞山。君王所得。無乃是乎。赤鳥之事。其所未詳。使者反白。闔閭乃尊事之。先是江左童謡云。禹治洪水得五符。藏之洞庭苞山湖。龍威夫人竊禹書。得五書者。喪國廬。尋而吳果滅。吳越春秋 越絕書九山東南曰天承山。號宛委。承以文玉。覆以藍石。其書金簡青玉為字。編以金銀。禹登衡山。有赤繡衣男子。自稱玄夷。蒼水使者。謂禹曰。欲得我簡書。知道水方。齋於黃帝之嶽。禹乃齋。登石簣山。果得其文。周行天下。伯益記之。為山海經。吳越春秋華山對河東。首陽山。黃河流於二山之間。古語云。此本一山。當河。河

水過之而曲行。河神巨靈。以手擘開其上。以足蹠離其下。中分為兩。以通河流。今嶽上有指掌之形。首陽山下足跡亦存焉。西京賦注夏桀末年。瞿山地陷。一夕為大澤。深九丈。其年為湯所放。古今五行記先儒說桀之將亡。泰山三日泣。今泰山山石。遠望之。若人泣。蓋是也。武王謂周公曰。桀為不道。走山泣石。述異記舊說岱嶽上有金匱玉策。能知人年壽修短。漢武帝燬策。得十八。因倒讀曰八十。其後果壽八十。風俗通**水**地者萬物之本原。諸生之根莖也。美惡賢不肖。愚俊之所生也。水者池之血氣。如筋脈之通流者也。故曰水具材也。何以知其然也。曰

夫水淖弱以清。而好灑人之惡。仁也。視之黑而白。精也。量之不可使
概。至滿而止。正也。唯無不流。至平而止。義也。人皆赴高。已獨赴下。卑
也。卑也者。道之室。王者之器也。而水以為都居。準也者。五量之宗也。
素也者。五色之質也。淡也者。五味之中也。是以水者。萬物之準也。諸
生之淡也。遠非得失之質也。是以無不滿。無不居也。集於天地。而藏
於萬物。產於金石。集於諸生。故曰水神。是以聖人之治于世也。不人
告也。不戶說也。其樞在水。管子

蒙水瑞水也。君乘土而王。其政太平。則蒙水出於山焉。瑞應圖
王者盛德之應。洛水先溫。九日乃寒。五日變為五色。易乾鑿度

夫齊之水道躁而復。故其民貪羸而好勇。楚之水淖弱而精。故其民
輕果而賊。越之水濁重而汨。故其民愚疾而垢。秦之水甘最而稽。淤
滯而雜。故其民貪戾。因而好事。晉之水枯旱而運。淤滯而雜。故其民
諂諛。豫詐巧佞而好利。燕之水萃下而弱。沈滯而雜。故其民愚戇。而
好貞。輕疾而易死。宋之水輕勁而清。故其民閑易而好正。管子
白水宜玉。黑水宜砥。青水宜璧。赤水宜丹。黃水宜金。清水宜龜。汾水
濛濁而宜麻。濟水通和而宜麥。河水中濁而宜菽。雒水輕利而宜禾。
渭水多力而宜黍。漢水重安而宜竹。江水肥仁而宜稻。平土之人慧
而宜五穀。淮南子

西海之西有浮玉山山下有巨穴。穴中有水。其色若火。晝則通曉。不
明。夜則照耀。穴外雖波濤灑蕩。其光不滅。是謂陰火。當堯世。其光爛
起。化為赤雲。丹輝炳映。百川恬澈。游海者銘曰。沉燃以應。火德之運。

拾遺記

庭州灞水。以金銀鐵器盛之。皆漏。惟瓠葉則不漏。博物志

滄州久視山下。出澄綠水。其泉濶一百步。亦謂流緜渠。雖投之金石。

終不沉沒。故州人以瓦鐵為船舫。杜陽編述異記

水之性欲清。沙石穢之。人之性欲平。嗜欲害之。故水激則波起。烝亂
則智昏。昏智不可以為正。波水不可以為平。文子

智者何以樂水。水者緣理而行。不遺小開。似有智者。動而下之。似有
礼者。蹈深不疑。似有勇者。障防而清。似知命者。歷險致遠。卒成不毀。
似有德者。天地以成。群物以生。國家以寧。萬事以平。品物以正。此智
者所以樂水也。韓詩外傳

黃帝曰。道若川谷之水。其出無已。其行無止。賈子

堯郊。天地祭神。坐上有響。誨堯曰。水方至為害。命子救之。堯乃作歌。

古今樂錄

舜之時。共工振滔洪水。以薄空桑。淮南子

子產死。家無餘財。子不能塋。國人哀之。丈夫舍玦珮。婦人舍珠玉。以

歷代名賢傳 卷三

購之。金銀珍寶不可勝計。其子不受。自負土塋于邢山。國人悉輦以沉之河。因名金水。記 柳環

常浦遇鬼客歸。元景云早給事馮六郎於河中。浦曰六郎何人。歸曰馮六郎名夷。即河伯。軒轅天子之愛子也。浦曰馮何得第六。曰馮水官也。水成數六耳。記 河東

天有五億五萬五千五百五十里。地亦如之。各以四海為脈。內傳海為水宗。聰明且聖。百流歸德。無有畔逆。易林

諄芒將東之大壑。適遇苑風於東海之濱。苑風曰子將奚之。曰將之大壑。曰奚為焉。曰夫大壑之為物也。注焉而不滿。酌焉而不竭。吾將

遊馬。莊子

東海君姓馮名修。夫人姓朱名隱。娥南海君姓視名赤。夫人姓醫名

逸。寥西海君姓勾太名丘。夫人姓靈名素簡。北海君姓是名禹。張里

夫人姓結名連翹。龍魚河圖

齊景公游海上而樂之。六月不歸。告左右曰。敢有先言歸者死。顏蠡

進曰。君樂治海。不樂治國。彼若有治國者。君安得樂此海乎。遂歸。中

道聞國人謀將不納之。說苑

昔魯人有浮海而失津者。至于亶州。見仲尼及七十子遊于海中。與魯人一杖。令閉目乘之。使歸告魯侯。築城以備寇。魯人出海。投杖水

歷代名賢傳 卷三 十一

中乃龍也。具以狀告。魯侯不信。俄而群燕數萬。銜土培城。魯侯乃大城曲阜。訖而齊寇至。攻魯不克。燕錄北

河者水之伯。上應天漢。契 援神

河中國之經瀆。聖王興。則出圖書。王道廢。則竭絕。潰溢橫流。漂沒陵阜。異之大者也。修政以應之。災變自除。溝洫志

黃河出崑崙山。東北角剛山。東自北行千里。折西行于蒲山。南流千里。至文山。東流千里。至秦澤。西流千里。至潘澤。陵門東北流千里。至華山之陰。東南流千里。至下津。然河水九曲。其長九千里。入渤海。始開圖河導崑崙山。名地首。上為權勢星。東流千里。至規。其山名地契。上為

距樓星。北流千里。至積石山。各地肩。上為別符星。卯南千里。入隴首山間。抵龍門。首名地根。上為營室星。龍門上為王良星。為天橋。神馬出河。羅南流千里。抵龍首。至卷重山。各地咽。上為卷舌星。東流貫砥柱。觸闕流山。名地喉。上為樞星。以運七政。西距卷重山千里。東至雒會。名地神。上為紀星。東流至太岨山。音皮名地肱。上為輔星。東流過絳水千里。至大陸。名地腹。幹上為虛星。河圖黃帝問風后曰。余欲知河之始。開風后曰。河凡有五。皆始開乎崑崙之墟。河圖始

黃帝告天老曰。余昔夢見兩龍。挺白圖。即帝以授余于河之都。天老

曰河有河圖洛有洛書。天其授帝圖乎。試齋以往視之。黃帝乃齋河
洛之間。求象見者。至于翠嫵泉。大盧魚折溜而至。乃問天老曰。子見
中河折溜者乎。曰見之。與天老跪而受之。魚泛白圖。蘭采朱文。以授
黃帝。舒而視之。名曰錄圖。河圖始開圖
堯遊河渚。赤龍負圖以出。圖赤如緋狀。龍沒圖在。元命苞
舜與諸侯觀河洛。有黃龍負圖出。置帝前。蔓入水而前去。暉斗
昔上古龍門未開。呂梁未發。河出孟門。大溢逆流。無有丘陵沃衍。平
原高阜。盡皆滅之。名曰鴻水。禹於是疏河決江。為彭蠡之障。乾東土。
所活者千八百國。呂覽

禹理洪水。觀於河。見白面長人魚身。出曰。吾河精也。授禹河圖。而還
於淵。中候

大禹觀於濁河。而受綠字。晉地理志

姬氏之興也。河出綠圖。隋巢子

武王觀於河。沈璧禮畢。至於日昧。榮光塞河。青雲浮洛。青龍臨壇。銜
元甲之圖。吐之而去。中候

秦伯納重耳。及河。子犯授公子載璧。曰。臣從君還軫。巡於天下。惡其
多矣。臣猶知之。而况君乎。不忍其死。請由此亡。公子曰。所不與舅氏
同心者。有如河水。沈璧以質。國語

王子朝篡位。與敬王戰。乃解周之寶玉。沈河以祈福。後二日。津人得之于河上。敬王大夫陰不佞。以溫人南侵。將賣之。則變而為石。敬王位定。得王者獻之。復為玉也。左傳水經注

范獻子游河。大夫皆在。君曰。知欒氏之子乎。大夫莫答。舟人清涓捨楫對曰。君奚問欒氏之子。君曰。自亡吾欒氏者。其老也未死。少者壯矣。清涓曰。善修晉國之政。內得大夫。外不失百姓。雖欒氏子。其若君何。若不修晉國之政。內不得大夫。而外失百姓。則舟中之人。皆欒氏子也。君曰。善。尸子

韓褐子濟於河。津人告曰。夫人過於此者。未有不快用者也。而子不

用乎。韓褐子曰。天子祭海內之神。諸侯祭封域之內。大夫祭其朝。士祭其祖。禡也。未得事河伯也。津人申楫。舟中水而運。津人曰。向也役人固已告矣。夫子不聽。役人之言也。今舟中水而運。甚殆。治裝衣而下遊乎。韓子曰。吾不為人之惡我而改吾志。不為我将死而改吾義。言未已。舟泆然行。說苑

趙簡子沈鸞徽於河。曰。吾嘗好聲色矣。而鸞徽致之。吾嘗好宮室臺榭矣。而鸞徽為之。吾嘗好良馬善御矣。而鸞徽來之。今吾好士六年矣。而鸞徽未嘗進一人也。是長吾過而絀善也。呂覽楚昭王有疾。卜曰。河為祟。大夫請祭諸郊。王曰。三代命祀。祭不越望。

江漢睢漳。楚之望也。河非所獲罪也。遂弗祭。孔子曰。昭王知大道矣。其不失國也宜哉。左傳

秦文公出獵。獲黑龍。此其水德之瑞。於是更名河曰德水。封禪書

江出岷山。東流絕漢入海。左還北流。至於開母之北。右還東流。至於

東極。河出積石。睢出荆山。淮出桐栢山。睢出羽山。清漳出揭疾濁漳

出發包。濟出王屋時。泗沂出臺台。洛出獵山。汶出弗。其流合於濟

溪。出蟠冢。涇出薄落之山。渭出鳥鼠同穴。伊出上魏。雒出熊耳。浚出

華。竅維。霰舟。汾出燕京。社出瀆熊。淄出目。飴丹水出高禘。股出嶠山

鎬出鮮于。涼出茅廬。石梁汝出猛山。淇出大號。晉出龍山。結給。合出

猶音止

封羊。遼出砥石。釜出景。岐出石橋。呼池出魯平泥。塗淵出櫛山。維

北流出于燕。淮南子

潯陽九江。其一曰白鳥。嘉麻江者。九江之一也。水經

岷山大江所出也。峽山南江水所出也。岨山北江所出也。三江皆發

源于蜀。而注震澤。郭璞山海經注

周穆王東至於九江。叱鼃鼃以為梁。紀年

子路盛服見孔子。子曰。由是裾。何也。昔者江出於岷山。其始出也

其源可以濫觴。及其至江之津也。放舟不避風。則不可涉也。非維下

流水多耶。荀子

趙簡子問子貢曰。孔子為人何如。對曰。賜不能識也。簡子不說曰。夫子事孔子數十年。終業而去之。而曰不識。何也。曰。賜嘗聞者之飲江海。知足而已。孔子猶江海也。賜奚足以識之。簡子曰。善哉。子貢之言也。說苑

伍員如吳。過於荆。至江上。欲涉。見一丈人刺小船。方將漁。從而請焉。丈人度之。絕江。問其名族。則不肯告。解其劔以予丈人。曰。此千金之劔也。願獻之。丈人。丈人不肯受。曰。荆國之法。得伍員者。爵執圭。祿萬擔。金千鎰。昔者子胥過。吾猶不取。今我何以子之千金劔為乎。伍員適於吳。使人求之江上。則不能得也。每食必祭之。祝曰。江上之丈人。

呂氏春秋

禹治水。三至桐栢山。驚風迅雷。石號木鳴。五伯擁川。天老肅兵。不能興。禹怒。召集百靈。搜命夔龍。桐栢千君。長稽首請命。禹因囚鴻蒙氏。商章氏。堯氏。盧氏。犁婁氏。乃獲淮渦水神名巫支祈。善應對言語。辨江淮之淺深。原隰之遠近。形若猿猴。縮鼻高額。青軀白首。金目雪牙。頸伸百尺。力踰九象。搏擊騰蹕。疾奔輕利。倏忽間視。不可久。禹授之。童律不能制。授之鳥木。田不能制。授之庚辰。能制。鳴脾。桓胡。木魅。水靈。山妖。石怪。奔號。繫繞。以千數。庚辰持戟。遂去。頭鑽大索。鼻穿金鈴。徙之淮陽之龜山。足下。裨淮水永安。流注海也。庚辰之後。皆屬此形。

者。免淮濤風水之難。古岳濟經

都邑包犧氏都陳。神農氏都陳。而別營于曲阜。黃帝都于涿鹿。少皞

始自窮桑。而遷都曲阜。顓帝始自窮桑。而徙邑商丘。高辛建都于亳。

帝嚳都偃師。堯都平陽。舜都蒲坂。禹都陽城。自契至湯。八遷。湯始居

亳。周文王都豐。武王都鎬。帝王世紀

周公將致政。南繫于洛水。北因于郊山。以為天下之大塗。周書作推解

冀州者。天下之中州。自唐虞及夏殷。皆都焉。是天子之常居。鄒衍著

書云。九州之內。名曰赤縣。赤縣之畿。從冀州而起。梁

邑名朝歌。顏淵不合七十弟子。掩目宰子。獨頌由感之墜車。論語撰考

城池

史記言黃帝為五城。軒轅本紀言黃帝築城邑。而汜勝之書。記

神農之教。雖有石城。湯池。帶甲百萬。然而無梁。則不能守也。是炎黃

已城池矣。路史

夏。蘇作三仞之城。諸侯皆之。海外有狡心。禹知天下之叛也。乃壞城

平池。散財物。焚甲兵。施之以德。海外賓伏。四夷納職。淮南子

處士東里塊。責禹亂天下。禹退作三城。強者攻。弱者守。敵者死。戰城

郭。禹始也。淮南子

越王曰。寡人之計。未有決定。欲築城立郭。分設里閭。欲委屬於相國。

於是范蠡乃觀天文。擬法于紫宮。築作小城。周下一百二十一步。一

圓三方。西北立龍飛翼之樓。以象天門。東南伏漏石竇。以象地戶。陵門四達。以象八風。外郭築城而缺西北。示服事吳也。不敢壅塞。內以取吳。故缺西北。而吳不知也。北向稱臣。委命吳國。左右易處。不得其位。明臣屬也。城既成。而怪山自生者。瑯琊東武海中山也。一夕自來。故名怪山。范蠡曰。臣之築城也。其應天矣。崑崙之象存焉。越王曰。寡人聞崑崙之山。乃地之柱。上承皇天氣。吐宇內。下處后土。稟受無外。滋聖生神。嘔養帝會。故帝處其陽。陸三皇居其正地。吾之國也。扁天地之壤。乘東南之維。斗去極地。非奠土之城。何能與王者比。隆盛哉。范蠡曰。君徒見外。未見于內。臣乃承天門制。承合氣于后土。嶽象已

設崑崙故出。越之霸也。越王曰。苟如相國之言。孤之命也。范蠡曰。天地卒號。以著其寔名。東武起游臺其上。東南為司馬門。立層樓。冠其山巔。以為靈臺。起離宮于淮陽中。宿臺在于高平。駕臺在于成丘。立苑于樂野。燕臺在于石室。齊臺在于襟山。勾踐之出遊也。休息食室于冰厨。吳越春秋請郭君欲城薛。而客多以諫。君告謁者。無為客通事。於是有一齊人曰。臣願一言。過一言。臣請烹。謁者贊客。曰。海大魚。因反走。請郭君曰。請少進。客曰。吾臣木。敢以死戲。請郭君曰。嘻。寡人毋得已。試復道之。客曰。君獨不聞海大魚乎。網弗能止。繳不能牽。竭而失水。陸居則

蟻蟻得意焉。且夫齊亦君之水也。君已有齊。奚以薛為。君若無齊。城薛猶且無益也。請郭君大悅。罷民弗城薛也。新序

黃帝破蚩尤而為池。沼蓋始于此。古今事物考

穆天子觴西王母于瑤池之西。王母為天子歌白雲之謠。穆天子傳

衛靈公以天寒鑿池。宛春諫曰。天寒起役。恐傷民。公曰。天寒乎。宛春

曰。君不狐裘。坐熊席。隩隅有竈。是以不寒。今民衣敝不補。履決不直。君則不寒。民誠寒矣。公曰。善。令罷役。說苑

井黃帝始穿井。周書

伯益作井。呂氏春秋

王者清淨。則浪井出。浪井者不鑿自然之井有仙人主之。瑞應圖

火從井出。有賢士從人起。春秋潛潭巴

少昊母皇娥。璇宮之側。有井曰盤靈。白帝之子。與皇娥宴于宮。帝乎

命江妃歌。冲景旋歸之曲。盤靈之神。吹簫以和之。故至今號井神曰

吹簫女子。緝柳

魯哀公使人穿井。三月不得泉。得一玉羊。哀公甚懼。孔子曰。丘聞水

之精為玉。土之精為羊。此羊肝乃土耳其耳。哀公使人殺羊。其肝即土也。

諸傳

宋丁氏無井。常一人溉汲於外。及自穿井。喜而告人曰。吾穿井得一

人傳之者聞於宋君。召問其故。對曰。得一人之使。非得一人於井中。也。呂覽

田神農始造田法。典田大夫以其法教民。始教造田。謂之田祖。謂之稼穡。謂之先嗇神。其農業謂之神農。玉海

黃帝始立步制畝。是田以畝計。起自軒轅也。通典

湯有旱災。伊尹為區田。教民糞種。負水澆稼。收至畝百石。勝之。試為之。收至畝四十石。御覽

石音根很山縣有一山。獨立峻絕。西北有石穴。以燭行百步許。二尺石。其間相去一丈許。俗名其一為陽石。一為陰石。水旱為災。灑陰石則雨。

灑陽石則晴。磁弘之荊州記

汝城縣有烏龍白馬山。有黑石如龍。白石如馬。湘州記

廬山頂上有池。中有三石。鴈。霜降則飛。潯陽記

搗衣山一名靈山。在瑯琊郡山南。絕險。巖有方石。昔有神女。于此搗衣。其石明瑩。謂之玉女搗練砧。述異記

方大山。西有照石。去石十里。視人物之影。如鏡焉。碎石於此。皆能照人。而質方一丈。則重一兩。昭王春。此石為泥。通霞之臺。拾遺記

蜀州晉源縣山亭中有二大石。各徑二尺。已來出地七八十人。或坐之。心痛。往不救。又是落星石。東邊者生。即靈驗。西邊者死。與諸石。

無異。色並帶青白也。錄異

禹娶塗山。治鴻水。通轅轅山。化為熊。謂塗山氏曰。欲餉聞鼓聲乃來。禹跳石。誤中鼓。塗山氏往見禹。方作熊。慙而去。至嵩高山下。化為石。方生啓。禹曰。歸我子石。破北方而生啓。淮南

武王伐殷。得二大夫而問之。曰。殷國將亡。亦有妖乎。其一對曰。殷國常雨血而灰。而石小者如鷄子。大者如箕。武王曰。大哉妖也。六韜

周赧王二十年。齊東有二石。高三丈餘。相從而行。如海數百步。後春秋漢劉子光西征。遇山而渴。無水。子光在山南。見一石人。問之曰。何處有水。石人不言。乃拔劍斬石人。湏臾。窮山水出。獨異記

縣人有隗叔通者。性至孝。為母給江營水。天為出平石。至江營中。今猶謂之孝子石。可謂至誠。發中而休。應自天矣。水經

姑臧送玄石。白點如星。成二十八宿。十六國春秋

墓 顓頊塋青塚山下。不及泉。四馳衛之。博物志堯北教乎八狄。道死。塋鞏山之陽。衣衾三領。穀木之棺。葛以緘之。既

訖。而後哭。舜西教乎七戎。道死。塋南已之市。衣衾三領。穀木之棺。葛以緘之。已葬。而市人乘之。墨子禹命群臣曰。吾百世之後。塋我會稽之山。常梓桐棺。穿壙七尺。下無及泉。墳高三尺。土階三等。葬之後。曰無改。而以為居之者樂。為之者

苦博物志

孔子當泗水之堊。泗水為之却流。宋語

孔子死後魯人統塚次而居者百有餘家。命曰孔里。燕同

孔子墓上弟子各以四方奇木來殖。故多諸異樹。不生荆木刺草。皇

戎狄東辟之民曰夷。精以僥。至于大遠有不火食者矣。南辟之民曰

蠻。信以朴。至于大遠有不火食者矣。西辟之民曰戎。勁以剛。至于大

遠有不火食者矣。北辟之民曰狄。肥以矣。至于大遠有不火食者矣。

及中國之民曰五方之民。大戴禮

湯問伊尹曰。諸侯來獻。或無馬牛之所生。而獻遠方之物。事寔相反。

不利。今吾欲因其地勢所有獻之。必易得而不貴。其為四方獻令。伊

尹受命。於是為四方令曰。臣請正東符婁仇州。伊憲漚深九夷十蠻。

越音剪漚鬻文身。請令以魚支之鞞。烏鯽音賊之醬。鮫敵利劍為獻。正南甌鄧

桂國。損子產里百濮九菌。請令以珠璣瑁象。齒文犀翠羽。菌鶴同鶴短

狗為獻。正西崑崙狗國鬼親。柰已音吸關耳貫胸。雕題離丘。漆齒。請令以

丹青白旄。紕音許蜀江。歷龍角神龜為獻。正北空同。大夏沙車。姑他旦略

貌。胡戎翟奴。樓煩月氏。娥犁其龍。東胡。請令以橐駝。白玉野馬。駒駼

駃騠。良弓為獻。湯曰善。周書

凡海外三十六國。自西北至西南方。有修股民。天民。肅慎民。白民。沃

江歷珠

廣博勿誌。魯刑

卷三 戎狄

十二

民女子民。丈夫民。奇肱民。一臂民。三身民。自西南至東南方。有結胸民。羽民。謹頭國民。裸國民。三苗民。交股民。不死民。穿胸民。反舌民。豕喙民。鑿齒民。三頭民。修臂民。自東南至東北方。有大入國。君子國。黑齒民。玄股民。毛民。勞民。自東北至西北方。有波踵民。句嬰民。深目民。無腸民。柔利民。一目民。無繼民。淮南子箕子適朝鮮。作八條之教。無門戶之閉。而不為盜。魏志有司幽之國。帝俊生晏龍。晏龍生司幽。司幽生思士。不妻。思女不夫。山海經有載民之國。帝舜生無淫。降載處。自謂巫載民。巫載民盼。姓食穀。不

績。不經服也。不稼。不穡。食也。爰有歌舞之鳥。鸞鳥自歌。鳳鳥自舞。爰有百獸相群。爰處百穀所聚。山海經有西州之國。姬姓。食穀。有人方耕。名曰叔均。帝俊生后稷。降以百穀。稷之弟曰台。璽生叔均。叔均是代其父。及稷播百穀。始作耕。山海經赤水之西。有先民之國。食穀。使四鳥。有北狄之國。黃帝之孫曰始均。始均生北狄。有芒山。有桂山。有嵯山。其上有人。號曰太子長琴。顛頊生老童。老童生祝融。祝融生太子長琴。是處嵯山。始作樂風。有五彩鳥三名。一曰皇鳥。一曰鸞鳥。一曰鳳鳥。有蟲狀如菟。胸以後者。裸不見青如猿狀。山海經

南嶽娶州山女。名曰女虔。女虔生季格。季格生壽麻。壽麻正立無景。疾呼無嚮。爰有大暑。不可以往。有人無首。操戈盾立。名曰夏耕之尸。故成湯伐夏桀于章山。克之。斬耕厥前。耕既立。無首走厥咎。乃降于巫山。有蓋山之國。有樹赤皮支幹。青葉。名曰朱木。山海經有互人之國。炎帝之孫。名曰靈越。靈越生互人。是能上下于天。山海經大荒之中。有叔歌國。顓頊之子。黍食。使四鳥虎豹熊羆。有黑蟲如熊狀。名曰猎猎。山海經毛民之國。依姓食黍。禹生均國。均國生役采。役采生修齡。修齡生綽人。帝念之。潛為之國。是此毛民。山海經

西北海外流沙之東。有國名曰中輪。顓頊之子。食黍。又有國名曰賴丘。山海經有鹽長之國。有人為鳥首。名曰鳥氏。有九丘。以水絡之。名曰陶唐之丘。有叔得之丘。孟盈之丘。昆吾之丘。黑白之丘。赤望之丘。參衛之丘。武夫之丘。神民之丘。西南有巴國。大皞生成鳥。咸鳥生乘釐。乘釐生後照。後照是始為巴人。有國名曰流黃。辛氏其域中方三百里。有巴遂山。澠水出焉。又有朱卷之國。有黑虵。青首食象。山海經黃帝之世。蚩尤氏有罪。刑而放之。扶伏而去。是為扶伏民。居玉門外。

玄中記

高陽氏有同產而為夫婦者。帝怒放之。於是相抱而死。有神鳥以不死竹覆之。七年男女皆活。同頸異頭。共身四足。是為蒙雙氏。外國冀州之西二萬里。有孝養之國。其俗人年三百歲。而織茅為衣。即尚書島夷卉服之類也。死塋之中野。百鳥銜土為墳。群獸為之掘穴。有親死者。刻木為影事之如生。其俗驍勇。能嚙金石。其舌杪方。而本小手搏千鈞。以瓜畫地。則洪泉湧流。善養禽獸。入海取虬龍。育于園室。以充祭祀。昔黃帝伐蚩尤。除諸凶害。獨表此處為孝養之鄉。至舜封為孝讓之國。舜受堯禪。其國執玉帛來朝。特加賓禮。異於餘戎狄也。

拾遺記


夷有九種。曰畎夷。干夷。方夷。黃夷。白夷。赤夷。玄夷。風夷。陽夷。少康後世服王化。賓于王門。獻其樂舞。後漢書成王即政三年。有泥離之國來朝。其人稱自發其國。常從雲裏而行。聞雷霆之聲在下。或入潛穴。又聞波瀾之聲在上。視日月以知方國所向。計寒暑以知年月。考國之正朔。則序曆與中國相符。拾遺記盧扶國來朝。渡河萬國方至。云其國中山川無惡禽獸。水不揚波。風不折木。人皆壽三百歲。結艸為衣。是謂卉服。至死不老。咸知孝讓。壽登百歲以上。相敬如至親之禮。死塋于野外。以香木靈草瘞掩其尸。閭里助送。號泣之音動于林谷。河源為之流止。春木為之改色。居喪

廣雅釋詁

卷之三

水漿不入于口。至死者骨為塵埃。然後乃食。昔大禹隨山導川。乃旌其地為無老純孝之國。拾遺記

北海之東。方夷之國有女國。天女下降為其君。西南夷板楯之西有女國。其女悍而男恭。女為人君。以貴男為夫。置男為妾。媵昆明東南絕徼之外有女國。以猿為夫。生男類父。而入山谷。晝伏夜遊。生女則巢居穴處。南海東南有女國。舉國惟以鬼為夫。夫致飲食禽獸以養之。勃律山之西有女國。山出台隄之水。女水浴之而有孕。其女舉國無夫。西海西北有女國。以蛇為夫。男則為蛇。不噬人而穴處。女為臣妾。官長而居宮室。梁杰公記



卷之三終

卷之三

其地為無名此等之國也
此海之東亦夷之國有女國夫女下降為其居而兩處極
女國其女悍而思恭女為人君以善男為夫置男為妾
絕傲之外有女國以珠為衣生男無父而山谷盡化夜遊生女則
巢居穴處南海東南有女國華南惟以鬼為夫夫死則其
之動律山之兩首女國山出泉之水女於浴之而有孕其
無夫而墜西北有女國此地為不墜人而穴處女為
其官長而居穴處

卷之三

